

萬載縣志
第七冊

地 250.9/42



萬載縣志卷六之一

學校

學宮 學制 學額 學基 學產

民國初年廢孔子祀既有倡言尊孔者祀得不廢而亦在若存若亡之間夫祀不祀於孔子無加損也卽廟不廟亦於孔子無加損也自孔子之廟遍天下而中國之疆域日闢中國之文化日開蓋所以扶持世教維繫人心於不敝者譬如天不言而四時行百物生也然則祀孔子非爲孔子也爲世教也立孔廟非爲孔子也爲人心也所謂先孔子而聖者非孔子無以繼後孔子而聖者非孔子無以開抑所謂氣備四時與天地鬼神日月合其德教垂萬世

萬載縣志

卷六之一

學校 學宮

繼堯舜禹湯文武作之師也蒙古之興兵力達裏海入旗勁旅強天下而推尊孔子如此曾諸夏之不如乎萬載之有聖廟亦稱孔廟舊矣辛未以還宋舉人炎家專修一次民國初年罰某商欸續修一次民國十年以後亂氣紛乘兵匪充斥絃歌俎豆之地夷爲干戈嘈雜之塲忠義孝悌祠及節孝祠幾莫知其所在名宦鄉賢祠蕭然四壁東西兩廡木主無存大成殿尙覺完好十二哲之神龕不知其假作何用而木主則分列於四配中獨至聖先師孔子位安坐如常是兵匪尙知尊聖人也聖人之道蓋不絕於天壤也日本聖廟落成曾請我國名人前往觀禮寧不思乎合辦中學之議起當路必欲擇城內適中地新建校舍倉卒無資竊以爲舊日龍



河書院近山臨水仍舊貫而加築之有何不可所不可者謂龍河猶是城外不若城中之破除習見考棚基好已改縣倉當時暗主之者意在孔廟而不敢明言有紳商學二十人名為籌備委員迎合一偏之見開融化之先路獨頑固老人堅持不可曾與中校主任切實言之屢以緩緩轉移為辭不得已邀請紳學四十人送請命於當道奉批事屬文化可行則不敢再請既而思之聖門弟子三千賢人七十互鄉童子闕黨童子且欲引而進之故人原壤叩其脛而不絕可知聖道之兼容并包無所不有往者非春秋釋奠朔望行香無敢開門擅入大小官員到門悉令任轎下馬昔何謹嚴今何寬大毋亦仁智之用所見有不同歟竊思改革以還聖廟

萬載縣志

卷六之一

學校 學宮

二

之頽廢不修者到處有之以合辦中學而始修聖廟則必為萬載所獨張縣長喜新而老人守舊文化事業治新舊於一爐科學發明器械精而修武備聖道推廣教化明而啟文思聖人在天之靈光昭萬世空襲而灰塵不驚門牆如舊意必有呵護於其際者則非小人之所敢知矣 八月日補記

聖廟舊在治東雙虹橋西宋崇甯間以舍法造士知縣事李存移建橋東南乾道元年洪綸遷之古寺廟廢為官舍瀋熙五年知縣事祝勳仍復舊所即今址後任王傑陳雄錢邁相繼修葺

元至元至順間邑紳黃壁葺講堂兩齋及官廳廚屋

明初知縣趙中因址重建洪武七年知縣賈志通重修明倫堂東

西齋射圃厨庫及二先生祠成德達材兩齋十三年知縣崔進建奎星堂後改文會堂正統丁卯李燦成化戊子陳琛迭次繕完丙午知縣黃珙拓舊基建明倫堂堂後立奎文閣嘉靖間署縣推官陳諫臣重修奎文閣敬一亭萬曆二年知縣徐一唯踵葺厥後殿廡堂齋號舍傾頽知府郭惇典通志誤爲知縣知縣陳王庭應祥姚繼舜各有營繕二十年署縣徐之孟修明倫堂文會堂於文會堂右重修成德達材諸齋崇禎五年知縣韋明傑重修清順治丙申教諭黃恢宏葺縣士郭萬象捐金五百有奇康熙甲辰守道施閏章知府李芳春知縣范廷鳳捐修甲寅冬棚寇掠城廟燬亡未知縣常維楨捐貲重修厥後何錫命龐驥施昭庭程元慶先後改建

萬載縣志

卷六之一

學校 學宮

三

正殿兩廡戟門齋舍雍正間署縣譚獻策修知縣許松估重新明倫堂環以磚墻乾隆癸酉遷建西偏夾壇移明倫堂於

聖殿東堂後左爲教諭署右爲訓導署縣士高嶠捐金六百王家塾黃央中各捐四百爲倡知縣朱崧張立中學官魯鴻藍世松董其成嘉慶辛酉知縣來珩率紳士辛炳昭重修道光辛丑知縣韓彥章率紳士郭光芻汪茂楠林鳳章郭功晟等勸捐督工凡正殿牌樓戟門櫺星門東西兩廡泮池左右牌坊俱拆舊新之殿易黃瓦石柱露臺加石欄其各祠及圍牆明倫堂學署一律修整加丹雘焉咸豐五年大成殿戟門齋舍兵燬十年舉人陳中實貢生郭光昕等偕紳士勸捐重修同治七年知縣王麟昌率紳民重建齋

舍

明倫堂舊在大成殿西乾隆十八年移建大成殿東俱不存

教諭署在明倫堂後就成德齋遺址構屋兩重廡房俱備

訓導署在明倫堂後偏右就蓬材齋遺址構屋兩重廡房對廳俱備

射圃在學宮右

土地祠在射圃隙地道光二十七年職員鮑鍾瑞捐

費創建有記

奎文閣

文會堂

敬一亭

俱廢

洗浴巷在明倫堂左劉李二家奉例知縣黃拱關直進府館前江畔為諸生

暑浴地

同治十三年縣舉人朱炎獨出修整費白金三千兩有奇閱時半載煥然一新民國四年知事張景枯任內因公科得重賞續修一

萬載縣志

卷六之一

學校 學宮

四

次盡易朽蠹二十年湖南王席因公過縣飭駐軍復修一次然不免歲時駐兵兵去而公團遷入如一區署財委會禁煙局農村合作社分布於崇聖祠及東西兩廡而名宦鄉賢忠義孝悌節孝等祠則各取便於用大成殿借為議場及合并龍河東洲改為縣立中學即利用學宮為學校亦沿革之一端也

縣立初級中學校務計劃民國二十六年三月七日及十二日縣前導週刊載

本縣前奉江西省政府化除萬載土客界限辦法於打破城居互通婚姻同修縣志外合辦教育設縣立初級中學建築新校舍於縣城所須經費指定以龍河中學原有資興學宮等款產全部租息及東洲職校原有基

金克川限二十六年兩校歸并辦理遷入新校舍實行授課施行計畫如左
甲立學校精神 一培養生活必須智識 二養成鄉村服務人材 三準備
升學基礎學程 四造就良好公民模樣 乙籌備開辦 一新校舍之建築
壹訂定獎勵捐獎勵辦族祠殷戶勸募 貳呈請省府撥補建築費一節
二新校舍地點之測勘 壹新校舍設城內學宮利用前後左右餘地繪具
設計圖案 貳招工授課承建 三經費之籌撥及保管 壹設立縣立中學
經費保管委員會由龍河東洲學宮寶興所有權人代表大會組織之 貳提
撥龍河東洲學宮考棚等原有款產澈底清查與整理合併經費支配 叁編
造本校二十六年收支概算書 四羅致師資及招生 壹籌備委員會提
薦校長人選呈請加委 貳訪求合格教師介紹校長斟酌聘用 叁合併東
洲龍河兩校原有學生混合編班上課 肆招收男女新生及插班生 丙校
舍設備 一利用聖廟大禮堂再加修葺使光線適宜配合適當顏色增加優

萬載縣志

卷六之一

學校 學宮

五

美環境以崇觀瞻 二利用正殿橫屋現區署辦公室寢室打通板壁改建會
食堂一所 三利用兩廡及兩旁樂器庫將原門之一扇壁推出與屋柱取平
隔作直室六間靠牆開窗改爲學生寢室每室可容二十人計十二間 四正
殿前端橫屋加建樓房一層設置板梯作爲圖書館兩旁隔榻作爲職員臥室
五利用後殿正廳改爲會議廳兩旁廂房畧加修葺改爲教員寢室計共六
間 六利用名宦鄉賢兩祠改爲體育科學兩館 七利用昭忠祠現設戒煙
所及其左側隙地添建平房一幢與鄉賢祠左側耳門打通前半段舊屋改建
廚房另於空地建築浴室游藝室整容室儲藏室各一大間 八利用明倫堂
正廳加以修葺改爲女子部教室兩旁及前面改建女子臥室 九正殿左側
地基建樓屋一幢以磚牆隔榻可在二丈四尺平方使作教室教用上下共大
間 十明倫堂屋後地基建與正殿左側地基建樓房 幢除右半邊建教室四
間外在左邊樓下設置男生勞作場樓上設置女生習藝室 十一後殿左側

前方隙地與後殿左側寢室牆齊取二丈四尺平方建平房一幢作為教室一處連教室右側銜接西廡隙地接連建築平房一非為教職員寢室之用 十
二後殿左後方土地祠舊址將地基提高建築教室一幢前後教室兩間 十
三校舍大門改於正中對中砌成甬道兩旁建平屋作為傳達室警衛室之用
十四後殿右後方空廣隙地建廁所一排另開小門出入 丁行政組織
一設校長一人總理校務行政一切事宜 二校長以下分設教務訓育事務
主任各一人年級主任三人女子部指導員一人 三設文牘會計校醫事務
員各一人書記一人 四設各種會議及委員會 壹校務行政會議 貳教
務會議 參訓育會議 肆事務會議 伍經費稽核委員會 陸訓育指導
委員會 戊班級編制 一男生部擬辦六班 二女生部暫辦一班 己經
費預算 子收入方面 一龍河東洲考棚學宮原有收入全部提撥專收專
付再加全年學費收入可得下列指數 壹龍河計收實租約九百石應繳穀價

萬載縣志

卷六之一

學校 學宮

六

三千八百元正 貳東洲計收實租一千九百石應繳穀價銀三千八百元正
參考棚計收實租八百石應繳穀價一千六百元 肆學費計共可收一千
八百元上列各項收入全年可得九千四百元 二地方教育附加項撥補二
千六百元 丑支出方面 一常年經費支出 壹教職員薪俸七千六百
元 貳設備費二千四百元 叁公費雜費一千二百元 二臨時預備費支
出年計八百元 庚附設機關及場所 一附設工廠分印刷化學果食縫紉
四部設於校內本部 二附設農場分園藝農藝畜牧飼魚四部設於東門外
徐家塘 三附設林場分桐林菓林風景林材木林四部設於鵝峯山麓 四
組織供給合作社販賣書籍文具用品食品等件 五設體育場於本校門首
烏溪河對岸東洲荒地另於河上搭築木橋以便通行 六附設民眾夜校由
本校師生輪派教授施行成人職業補習教育 七童子軍團以童子軍為學
生自治之領域養成其社會及軍隊各種活動之技能 辛其他一捐資建校

舍之捐戶設立紀念堂於本校校內每年舉行紀念會一次 二捐款一千元
以上者免其後裔一人全年學費 三學生操行學業體育三種成績特別優
異者得額定公費及免費生待遇之 四本計劃自二十六年起至二十九年
止適用之

科舉停辦學宮頽廢地方官有能修葺者至爲可嘉若借學宮之名而以爲縣立
中學之用萬載獨開先例前導週刊是張縣長一手創辦利用各條早經公布修
學宮乎辦中學乎凡識字者諒能知之老夫頑固不能與官爭言論自由亦例所
不禁也二九十一月病中孤懷抑塞書此以告後之讀志者

漢高帝十二年帝過魯以大牢祀孔子此帝王祀孔子之始平帝元
始元年追謚孔子爲褒成宣尼公此謚孔子之始光武帝建武五年

萬載縣志

卷六之一

學校 學宮

七

帝如魯使大司空宏祀孔子明帝永平二年令學校皆祀周公孔
子十五年東巡至魯祀孔子及七十二弟子此弟子從祀之始章帝
元和二年東巡至魯祀孔子及七十二弟子作六代之樂安帝延
光三年東巡至魯祀孔子及七十二弟子靈帝光和元年立鴻都
門繪孔子及七十二弟子像

魏齊王正始二年及五年七年並命大常以大牢祭孔子於辟雍
以頽回配祀孔子於大學顏子配饗始此

晉武帝大始三年詔大學及魯國四時備三牲祀孔子七年命皇
太子以大牢祀孔子此太子釋奠之始成帝咸康元年帝釋奠於國
學此天子親祭國學之始

宋文帝元嘉二十二年皇太子釋奠樂用登歌
南齊武帝永明三年詔釋奠先師設軒縣之樂六佾之舞牲牢器
用悉依上公

梁武帝天監四年詔建孔子廟

陳後主至德三年詔建孔子廟

北魏孝文帝大和十六年改謚宣尼曰文聖尼父告謚於廟勅有
司行薦享禮此有司廟享之始

北齊每月初朔祭酒領博士以下及諸學生以上謁廟行禮此朔日
行禮之始文宣帝天保元年六月遣祭孔子

北周靜帝大象二年帝幸露門學行釋奠禮

萬載縣志

卷六之一

學校 學宮

八

隋文帝仁壽元年制國子學每歲以四仲月上丁釋奠於先聖先
師州郡學以春秋仲月釋奠此郡縣二仲釋奠之始北魏雖命有司薦享
然無定時也

唐高祖武德二年詔有司立周公孔子廟七年以周公爲先聖孔
子配九年封孔子之後爲褒聖侯邱濬曰自曹魏釋奠孔子於辟雍元
魏始有廟不知其何時立也至是高祖始詔國子立廟太宗貞觀二年罷周
公尊孔子爲先聖以顏回配四年詔州縣學皆立孔子廟此郡縣
立文廟之始十一年尊孔子爲宣父二十一年詔皇太子釋奠於
國子學皇太子爲初獻國子祭酒爲亞獻司業爲終獻此遣官釋
奠之始而守令主祭亦始於此以左邱明卜子夏公羊高穀梁赤伏勝

高堂生戴聖毛萇孔安國劉向鄭眾杜子春馬融盧植鄭康成服虔何休王肅王弼杜預范甯賈逵二十二人從祀高宗乾封元年贈孔子太師總章元年贈顏回太子少師曾參太子少保皆配享元宗開元八年初定十哲配祀繪坐像二十七年追謚孔子爲文宣王改服袞冕樂用宮懸舞用八佾頒四箱金石二十四架贈顏子兗國公閔子等爲侯曾子等爲伯

宋太祖建隆三年詔祭文宣王廟用一品禮立十六戟於廟門真宗大中祥符元年謚孔子元聖文宣王追封聖父叔梁紇爲齊國公二年加先聖冕服桓圭從上公制冕九旒服九章追封十哲爲公七十二弟子爲侯先儒爲伯又以國諱改謚元聖文宣王爲至

萬載縣志

卷六之一

學校 學宮

九

聖文宣王仁宗景祐元年詔釋奠川登歌按開元初已用登歌尋廢至是復之至和二年封孔子後爲衍聖公先是孔子後襲封文宣公祖無擇言孔子爲文宣王不可以祖謚加後嗣詔改衍聖公之號蓋始於此

神宗元豐七年增孟子配享荀况揚雄韓愈並從祀徽宗崇甯四年增文宣王冕十二旒服十二章執鎮圭廟門立二十四戟並同王者之制大觀二年以子思從祀四年詔封公夏首等侯爵政和四年頒大成蠲額高宗紹興十年以釋奠爲大祀止輦門外入廟步行理宗淳祐元年加周惇頤張載程顥程頤朱熹從祀景定二年加張栻呂祖謙從祀度宗咸淳三年正月加邵雍司馬光從祀二月以顏曾思孟爲四配升顯孫師子十哲與伯魚從祀元世祖

至元十年詔春秋釋奠執事官員各依品序及服陪位諸儒襴衫唐巾行禮成宗大德十一年加孔子號爲大成至聖文宣王仁宗皇慶二年加許衡從祀文宗至順元年加封孔子父齊國公叔梁紇爲啟聖王加顏子爲兗國復聖公曾子邾國宗聖公子思沂國述聖公孟子鄒國亞聖公加程顥豫國公程頤洛國公以董仲舒從祀位居七十子之下

明太祖洪武元年詔定每歲春秋仲月上丁日遣官行釋奠禮四年用登歌堂上堂下之樂舞用六佾以國子生及公卿子弟在學者充樂舞生五年罷孟子配享六年復十四年定文廟制自先聖下罷塑像改設木主十五年詔天下儒學通祀孔子頒釋奠儀二

十六年頒大成樂器於天下各州縣如式制造二十九年罷楊雄加董仲舒從祀成祖永樂八年正文廟繪塑聖賢衣冠令合古制宣宗宣德三年刊定從祀名爵位次頒行天下十年以元儒吳澄從祀英宗正統二年以宋胡安國蔡沈真德秀從祀三年禁天下祀孔子于釋老宮憲宗成化二年封董仲舒爲廣川伯胡安國建甯伯蔡沈崇安伯真德秀浦城伯十二年增籩豆爲十二樂舞爲八佾孝宗宏治八年以宋儒楊時從祀封將樂伯世宗嘉靖九年更定文廟祀典尊孔子至聖先師不用王號四配爲復聖宗聖述聖亞聖十哲及門弟子稱先賢左邱明以下稱先儒不復稱公侯伯易塑像爲木主改大成殿爲先師廟從祀申黨卽申煇去黨存

棖公伯寮秦冉顏何荀況戴聖劉向賈逵馬融何休王肅王弼杜預吳澄俱罷祀林放蘧瑗盧植鄭眾鄭元服虔范甯七人俱各祀於其鄉進后蒼王通胡瑗歐陽修陸九淵從祀又於先師廟後別建啟聖公祠祀聖父叔梁紇以顏無繇曾點孔鯉孟孫激配俱稱先賢程珦朱松蔡元定從祀兩廡俱稱先儒穆宗隆慶五年以薛瑄從祀神宗萬曆初以羅從彥李侗從祀十二年以陳獻章胡居仁王守仁從祀二十三年以宋周惇頤父周輔成從祀啟聖祠清順治二年加孔子謚爲大成至聖文宣先師十四年改謚爲至聖先師康熙二十三年御書

萬載縣志

卷六之一

學校 學宮

十一

萬世師表額頒懸各學大成徽二十六年御製至聖先師贊暨四賢贊頒學勒石三十八年詔各學設樂器五十年升朱子於十哲之次五十四年以宋儒范仲淹從祀雍正二年封孔子五代王爵更啟聖祠爲

崇聖祠命各省學宮建忠義孝弟祠仍建節孝祠學宮之外二年增定從祀先賢先儒復林放蘧瑗秦冉顏何鄭康成范寧增縣直牧皮樂正子公都子萬章公孫丑諸葛亮尹惇魏了翁黃幹陳淳何基王柏趙復金履祥許謙陳澔羅欽順蔡清陸隴其增張廸入崇聖祠增仲弓伯牛子張有若裔世襲五經博士三年頒文廟禮樂圖籍四年御書生民未有額頒懸各學五年諭直省內外臣民

逢

先師誕辰致齋一日諱

孔子名加卩爲邱乾隆三年御書與天地參額頌懸各學復元儒
吳澄祀升有若爲十二哲詔聖廟用黃瓦

先師正位居中東西列四配而十哲次之兩廡列七十子春秋以
來諸儒次之嘉慶三年御書

聖集大成額頌懸各學道光元年御書

聖協時中額頌懸各學二年以明臣劉宗周從祀五年以明臣黃
道周從祀六年以明儒呂坤唐臣陸贄從祀八年以明儒孫奇逢
從祀二十三年以宋臣文天祥從祀二十九年以宋儒謝良佐從

萬載縣志

卷六之一

學校 學宮

十二

祀咸豐元年御書

德齊疇載額頌懸各學以宋臣李綱從祀二年以宋臣韓琦從祀
三年以先賢公明儀從祀七年以先賢公孫僑從祀以聖兄孟皮
配享崇聖祠九年以宋臣陸秀夫從祀十年以明儒曹端從祀并
酌定以後從祀章程同治二年以魯人毛亨明臣呂柟明儒方孝
孺從祀頌文廟祀位次序圖說御書

聖神天縱額頌懸各學光緒七年頒斯文在茲兩廡增從祀先儒十
五位乃參攷光緒鹿邑民國大庾兩志年分稍有參差都無簡明小傳亂後書
籍散失卒難稽考竟付缺如八月謹注

大成殿正位祀

至聖先師孔子主高二尺三寸七分濶四寸厚七分座高四寸濶七寸厚三寸四分朱地金書按前明蘇州知府林鶚奏請天下文廟皆奉木主

東配主高一尺五寸濶三寸二分厚五分座高四寸濶六寸厚二寸八分赤地墨書

復聖顏子名回字子淵魯人唐貞觀二年以孔子爲先聖顏子配享歷朝因之

述聖子思子名伋字子思宋咸淳二年配享

西配

宗聖曾子名參字子輿魯南武城人唐總章元年配享開元八年從享宋咸淳三年配享

萬載縣志

卷六之一

學校 學宮

十三

亞聖孟子名軻字子輿鄒人聽雨記設云史記孟子列傳不書生卒年月宋元豐七年配享明洪武五年詔罷配享刑部尙書錢唐抗疏入諫帝尋悟乃詔配享如故

以上配位宋以前皆稱封爵元至順元年贈顏子兗國復聖公曾子鄒國宗聖公子思子沂國述聖公孟子鄒國亞聖公明嘉靖九年改稱復聖顏子宗聖曾子述聖子思子亞聖孟子清朝因之

東哲主高一尺四寸濶二寸大牙厚五分座高二寸六分濶四寸厚二寸廡同

先賢閔子名損字子騫魯人唐開元八年從祀

先賢冉子名雍字仲弓魯人唐開元八年從祀

先賢端木子名賜字子貢貫或作贛衛人唐開元八年從祀

先賢仲子名由字子路一字季路卞人唐開元八年從祀

先賢卜子名商字子夏衛人唐開元八年以十哲從祀

先賢有子名若字子若魯人唐開元八年從祀清乾隆三年升列哲位

西哲

先賢冉子名耕字伯牛白水倉頡碑作百牛魯人唐開元八年從祀

先賢宰子名予字宰我魯人唐開元八年從祀

先賢冉子名求字子有魯人唐開元八年從祀

先賢言子名偃字子游游石經作游家語魯人史記注今吳郡有言偃家唐

開元八年從祀

先賢顓孫子名師字子張陳人唐開元八年從祀宋咸淳三年升列哲位

萬載縣志

卷六之一

學校 學宮

十四

先賢朱子名熹字元晦徽州婺源人清祐元年從祀明崇禎十五年改稱先

賢位七十子下漢唐諸儒上清康熙五十一年升列哲位

以上哲位宋以前皆稱封爵明嘉靖九年改稱先賢某子清

因之有子朱子升列哲位從一例

東廡從祀先賢補立木主而仍分寫先賢先儒以表尊敬八月謹注

公孫僑春秋世譜子產乃公子發字子國之子以其出於公族故氏公孫鄭人

清咸豐七年從祀原西廡

林放字子邱魯人或曰孔子門人唐開元二十七年明嘉靖九年改祀於鄉清

雍正二年復祀原西廡

原憲字子思檀弓作仲憲宋人鄭康成曰魯人唐開元二十七年

南宮适 适家語作縉史記作括字子容又稱南宮敬叔魯人唐開元二十七年
商瞿字子木魯人唐開元二十七年

漆雕開 字子若史記作子開白水碓作子倫蔡人鄭康成曰魯人唐開元二十七年

司馬耕 字子牛家語作司馬耜宋人唐開元二十七年

梁鱸 一作鯉字叔魚齊人唐開元二十七年

冉孺 字子魯一作子曾家語作冉孺字子魚魯人唐開元二十七年

伯虔 古本家語作伯處字子皙史記作子折今本家語作子楷魯人唐開元二十七年

冉季 字子產或作冉季產又作子達魯人唐開元二十七年

萬載縣志

卷六之一

學校 學宮

十五

漆雕徒父 家語作漆雕從字子文或作子有或作子友魯人唐開元二十七年

漆雕哆 哆家語作侈字子斂或作漆雕斂魯人唐開元二十七年

公西赤 字子華魯人唐開元二十七年

任不齊 字子選史記作宰選楚人唐開元二十七年

公良孺 或作儒字子正陳人唐開元二十七年

公肩定 或作公有家語作公肩字子仲史記作公堅定字子中魯人或衛人或

晉人唐開元二十七年

鄒單 字子家史記有家語無魯人唐開元二十七年

罕父黑 家語作宰父黑字子黑古本家語及史記皆作子索或作子素魯人唐

開元二十七年

榮旂家語作祈字子祺古本家語字子顏一作子旗魯人唐開元二十七年
左人郢家語作左郢字子行史記字子行魯人唐開元二十七年

鄭國字子徒家語作薛邦字子從魯人唐開元二十七年

原亢字子籍史記作原亢籍古本家語作原悅魯人唐開元二十七年

廉潔家語字子曹古本家語字子庸史記字庸衛人古史作齊人唐開元二十

七年

叔仲會會文翁圖作噲字子期魯人鄭康成曰晉人唐開元二十七年

公西與如字子上家語作公西與字子之魯人唐開元二十七年

邾巽字子欽家語作邾選字子欽文翁圖作國選索隱曰蓋避漢諱劉氏作邾

巽邾音圭魯人唐開元二十七年

萬載縣志

卷六之一

學校 學宮

十六

陳亢字子亢說文仇一字子禽陳人家語有史記不載唐開元二十七年

琴張又名牢字子開一字子張衛人家語有史記不載唐開元二十七年

步叔乘字子車一作少叔乘齊人家語乘作乘古文乘字說文本作乘唐開

元二十七年

秦非字子之魯人唐開元二十七年

顏會字子聲魯人唐開元二十七年

顏何字冉古本家語云字子稱魯人唐開元二十七年明宏治元年少詹事程

敏政請正祀典嘉靖九年罷祀清雍正二年復

縣寬索隱作縣豐廣韻作縣寬父字子象魯人或云卽史記之鄒單也清雍正

三年

牧皮年字里居無考風俗通云黃帝臣力牧之後趙岐曰牧皮事孔子學者清
雍正二年

樂正克年字無考魯人宋政和五年配饗孟子封利國侯清雍正二年

萬章年字里居無考宋政和五年從祀孟子廟庭封博興伯清雍正二年

周敦頤敦一作惇本名敦實避英宗諱改字茂叔道州人宋天禧元年五月五
日生熙寧六年六月七日卒清祐元年

程顥字伯清河南洛陽人宋明道元年生元豐八年卒清祐元年

邵雍字堯夫范陽人後徙洛屢舉遺逸不起宋大中祥符四年生熙寧十年
卒元祐元年諡康節咸淳三年

西廡從祀先賢

萬載縣志

卷六之一

學校 學宮

十七

蘧瑗字伯玉衛人遷淮南子作瑒唐開元二十七年從祀明嘉靖九年改於鄉
清雍正二年復原東廡

澹臺滅明字子羽武城人唐開元二十七年從祀原位東廡

宓不齊字子賤魯人宓史記作密唐開元二十七年

公冶長長古本家語作萁字子長魯人范甯曰各芝白水碑字子之史記云
齊人唐開元二十七年

公皙哀哀索隱作尅又本作克字季次家語作克字季沈齊人唐開元二十
七年

高柴字子羔禮記作子臯左傳作季羔家語作子畢齊人史記鄭康成俱作
衛人唐開元二十七年

樊須字子遲家語魯人鄭康成曰齊人白水碑謂須字子達遲字子緩分爲二人唐開元二十七年

商澤字子季家語字子秀魯人唐開元二十七年

巫馬施家語作巫馬期字子期史記作子旗陳人鄭康成曰魯人唐開元二十七年

顏辛辛史記作幸或作章字子柳魯人唐開元二十七年

曹卹字子循蔡人唐開元二十七年

公孫龍龍古今家語作寵字子石衛人鄭康成曰楚人正義曰趙人唐開元二十七年

秦商家語字不慈古本家語左傳俱作丕茲史記字子丕魯人鄭康成曰楚人

萬載縣志

卷六之一

學校 學宮

十八

唐開元二十七年

顏高高家語作刻一作尅字子驕魯人索隱名產字子驕通典字子精唐開元二十七年

穰駟赤史記字子徒穰家語作壤字子從秦人唐開元二十七年

石作蜀家語作石子蜀古本家語作石之蜀字子明成紀人唐開元二十七年

公夏首字乘家語首作守字子乘魯人唐開元二十七年

后處史記字子里家語作石處字里之齊人唐開元二十七年

奚容蒧字子哲家語無容字魯人正義曰衛人唐開元二十七年

顏祖家語作相字子襄史記字襄魯人古本家語不載唐開元二十七年

句井疆家語字子界古木家語字子疆正義句作句衛人唐開元二十七年
秦祖字子南秦人唐開元二十七年

縣成字子祺家語字子橫魯人唐開元二十七年

公祖句茲字子之魯人唐開元二十七年

燕伋伋古木家語作級字子思史記字思秦人唐開元二十七年

樂欬欬家語作欣字子聲魯人唐開元二十七年

狄黑字皙之史記字皙一作子皙衛人正義魯人唐開元二十七年

孔忠忠家語作佛字子殺孔子兄孟皮之子唐開元二十七年

公西蒧字子皙家語作奚蒧字子皙魯人正義曰衛人唐開元二十七年

顏之僕字子叔史記字叔魯人唐開元二十七年

萬載縣志

卷六之一

學校 學宮

十九

施之常字子恒魯人唐開元二十七年

申棖家語作申續字子周史記作申黨魯人唐開元宋大中祥符皆以棖黨爲
二人均加封爵明嘉靖九年以重名去黨存棖

左邱明魯人一作中都人楚左史倚相之後史記姓左邱唐貞觀二十一年以
經師

秦冉字開居里無考史記有家語無唐開元二十七年明嘉靖九年以不見家
語罷祀清雍正二年復

公明儀年字無考通者魯南武成人子張曾子弟子清咸豐二年原東廡

公都子年字里居無考宋政和五年從祀孟子廟清雍正二年

公孫丑齊人宋政和五年從祀孟子廟清雍正二年

張載字子厚橫渠世大梁人宋天禧四年生熙寧十年卒淳祐元年

程頤字正叔伊川洛陽人明道之弟宋明道二年生大觀元年卒淳祐元年

以上先賢位宋以前從祀者皆稱封爵明嘉靖九年改稱先賢

某子周張程邵五子嘉靖時稱先儒崇禎十五年改稱先賢位

在七十子之下漢唐諸儒之上清朝俱稱先賢不稱子

東廡從祀先儒

公羊高齊人子夏弟子唐貞觀二十一年

伏勝字子賤濟南人唐貞觀二十一年

毛亨河間人受詩於荀卿以授毛萇亨稱大毛公萇稱小毛公詩疏魯人清同

治二年

萬載縣志

卷六之一

學校 學宮

二十

孔安國字子國至聖十一代孫唐貞觀二十一年原西廡

后倉字近君東海郟人明嘉靖九年

鄭康成不書名謹避清聖祖諱北海高密人唐貞觀二十一年從祀明嘉靖九

年改祀鄉清雍正二年復原西廡

范甯字武子本南陽順陽人晉咸康五年生隆安五年卒唐貞觀二十一年明

嘉靖九年改祀鄉清雍正二年復原西廡

陸贄字敬輿蘇州嘉興人唐天寶十三年生永貞元年卒諡曰宣清道光六年

范仲淹字希文其先邠州人後徙蘇州吳縣宋端拱二年生皇祐四年卒諡文

正清康熙五十四年

歐陽修字永叔號醉翁晚號六一居士廬陵人宋景德四年生熙寧五年卒

贈克國公謚文忠明嘉靖九年

司馬光字若實陝州夏縣涑水鄉人宋天禧三年生元祐元年卒贈大師溫國公謚文正咸清三年原西廡

謝良佐字繼道上蔡人清道光二十九年

羅從彥字仲素豫章南劍羅源人宋熙寧五年生紹興五年卒謚文質明萬曆四十二年

李綱字伯紀紹武人宋元豐六年生紹興十年卒年五十八清咸豐元年原西廡

張栻字敬夫號南軒漢川綿竹人丞相浚子也宋紹興三年生清熙七年卒謚曰宣景定二年原西廡

萬載縣志

卷六之一

學校 學宮

二一

陸九淵字子靜號象山撫州金谿人宋紹興九年生紹熙三年卒謚文安明嘉靖九年原西廡

陳澧字安卿北溪彰州龍溪人宋紹興二十三年生嘉定十年卒清雍正二年

真德秀字景元後更景希號西山建之浦城人清熙五年生端平二年卒謚文忠明正統二年原西廡

何基字子恭婺州金華人屢薦舉不受宋淳熙十五年生成淳四年卒謚文定清雍正二年原西廡

文天祥字宋瑞一字履善號文山廬陵人宋端平三年五月二日生元至元十九年以不屈卒元謚忠武明追謚忠烈清道光二十三年原西廡

趙復字仁甫號江漢九江德安人生卒年無考以宋端平二年至北庭當列元儒之首清雍正二年

金履祥本姓劉避吳越錢武肅王嫌名更爲金字吉父號仁山婺之蘭谿人宋紹定五年生元大德七年卒謚文安清雍正二年原西廡

陳澔字可大雲莊東匯南康都昌人隱居教授宋景定二年生元至正元年卒清雍正二年原西廡

方孝孺字希哲號正學甯海人元至正七年生明建文四年殉難清同治二年

薛瑄字德溫號敬軒河津人明洪武二十二年生天順八年卒謚文清宏治中詔祀於鄉隆慶五年原西廡

萬載縣志

卷六之一

學校 學宮

二二一

胡居仁字叔心號敬齋江西餘干人布衣終身明宣德九年生成化二十年卒謚文敬萬曆十二年

羅欽順字允升號敬齋江西泰和人明成化元年生嘉靖二十六年卒贈太子太保謚文莊清雍正二年

呂柟字仲木號涇野陝西高陵人明成化十五年生嘉靖二十一年卒謚文簡清同治二年原西廡

劉宗周字起東號念臺浙江山陰人萬曆六年生清順治二年殉難乾隆四十一年賜謚忠介道光二年原西廡

孫奇逢字啟泰鍾元夏峯直隸容城人明萬曆十二年生清康熙十四年卒道光八年原西廡

陸隴其初名龍其後改今名字稼書浙江平湖人明崇禎三年生清康熙三十一年卒諡清獻雍正二年原西廡

張履祥字考夫浙江桐鄉人同治十年

許慎字叔重漢汝召陵人光緒二年

張伯行字孝先儀封謚清恪光緒二年

黃宗羲字大冲浙江餘姚人光緒三十四年

劉因宣統三年

顧元民國八年

西廡從祀先儒

穀梁赤顏師古曰名喜阮孝緒曰名傲字元始魯人子夏弟子唐貞觀二十一年

萬載縣志

卷六之一

學校 學宮

二二二

年

高堂生魯人齊公族或曰高敬仲食采於高堂漢書無名稱生者乃諸儒之稱
秦末漢初人唐貞觀二十一年

董仲舒字寬夫廣川人元至順元年原東廡

毛萇字長公趙人萇爲河間獻王博士稱小毛公唐貞觀二十一年

杜子春河南緱氏人漢永平初年且九十唐貞觀二十一年原東廡

諸葛亮字孔明瑯琊陽都人漢光和四年生建興十四年卒諡忠武清雍正二年原東廡

王通字仲淹河東龍門人徵召不起陳至德二年生隋義寧二年卒一作開皇二年生門人私謚文中子明嘉靖九年原東廡

韓愈字退之昌黎鄧州南陽人唐大歷三年生長慶三年卒謚曰文宋元豐七年從祀

胡瑗字翼之秦州海陵人宋淳化四年生嘉祐四年卒初謚文定後改文昭明嘉靖九年

韓琦字稚圭相州安陽人宋大中祥符元年生熙甯八年卒謚忠獻追封衛王清咸豐二年原東廡

楊時字中立龜山南劍將樂人宋皇祐五年生紹興五年卒謚文靖明宏治八年原東廡

尹焞字彥明一字德克世爲洛人宋熙寧四年生紹興十二年卒清雍正二年從祀

萬載縣志

卷六之一

學校 學宮

二四

胡安國字康侯建甯崇安人宋熙寧七年生紹興八年卒謚文定明正統二年從祀

李侗字愿中延平南劍州劍浦人宋元祐八年生隆興元年卒明萬曆四十二年原東廡

呂祖謙字伯恭東萊婺州人宋紹興七年生淳熙八年卒謚曰成改謚忠亮景定二年原東廡

袁燮字和叔宋剡鄞縣人清同治七年

黃幹字直卿勉齋福建閩縣人宋紹興二十二年生嘉定十四年卒贈朝奉郎謚文肅清雍正二年

蔡沈字仲默九峯建州建陽人屢薦不就宋乾道三年生紹定三年卒謚文

正明正統二年原東廡

魏了翁字華父鶴山邛州蒲江人宋淳熙五年生嘉熙元年卒諡文靖贈秦國公清寧正二年原東廡

王柏字會之號長嘯更號魯齋婺州金華人宋慶元三年生咸淳十年卒諡文憲清雍正二年原東廡

陸秀夫字君實江南鹽城人宋端平三年十月八日生祥興二年即元至元十六年卒清咸豐九年

許衡字仲平魯齊懷州河內人宋嘉定二年生元至元十八年卒諡文正皇慶二年

吳澄字幼清草廬撫州崇仁人宋淳祐九年生元元統元年卒追封臨川郡公

萬載縣志

卷六之一

學校 學宮

二五

諡文正明正統八年從祀嘉定九年罷清乾隆二年復原東廡

許謙字益之號白雲山人婺州金華人隱居東陽金華山元至元七生後至元三年卒諡文懿清雍正二年原東廡

曹端字止夫月川河南濼池人明洪武元年生宣德九年卒清咸豐十年原東廡

陳獻章字公甫白沙廣東新會人明宣德三年生宏治十三年卒諡文恭萬曆十二年

蔡清字介夫虛齋福建晉江人明景泰四年生正德三年卒諡文莊清雍正二年

王守仁初名雲字伯安姚江浙江餘姚人明成化八年生嘉靖七年卒諡文

成萬歷十二年原東廡

呂坤字叔簡新吾河南甯陵人明嘉靖十五年生萬歷四十六年卒清道光六年

黃道周字幼平石齋福建漳浦人明萬歷十三年生清順治三年殉難乾隆四十一年賜諡忠端道光五年原東廡

湯斌字孔伯璩荆峴又號潛菴河南睢州人明天啟七年生清康熙二十六年卒乾隆元年賜諡文正道光三年原東廡

劉德漢景帝子封河間王諡獻光緒二年

陸世儀字道威明太倉州人光緒二年

輔廣字漢卿宋崇德人光緒五年

萬載縣志

卷六之一

學校 學宮

二六

游酢字定夫宋建陽人光緒十九年

呂大臨字與叔宋藍田人光緒二十三年

顧炎武字甯人明崑山人光緒三十四年

王夫之字而農明衡陽人光緒三十四年

趙歧宣統三年

李璠民國八年

以上先儒位明嘉靖以前從祀者皆稱封爵明嘉靖九年改稱先儒某子清朝稱先儒不稱子

崇聖祠明建在奎文閣後久廢清雍正五年程令元度捐建明倫堂右嘉慶辛酉邑人郭吉捐銀四百兩陳邦梅捐銀一百六十兩

倡修

肇聖王木金父公宋人孔父之子孔子之五世祖清雍正元年追封肇聖王

祀 崇聖祠中位

裕聖王祈父公 或作畢夷父孔子之高祖清雍正元年追封裕聖王祀 崇

聖祠左一位

詒聖王防叔公 名字無考嘗為魯防邑大夫後世因號防叔孔子之曾祖清

雍正元年追封詒聖王祀 崇聖祠右一位

昌聖王伯夏公事實無考孔子之祖 清雍正元年追封昌聖王祀 崇聖

祠左二位

啟聖王叔梁公諱紇孔子之父仕魯為鄆邑大夫宋大中祥符元年追封齊

萬載縣志

卷六之一

學校 學宮

二七

國公顏氏魯國太夫人元至順元年封啟聖王顏氏啟聖王太夫人明嘉靖九年令兩京國子監及天下學校通建啟聖祠中祀叔梁題啟聖公孔氏神位

清雍正元年仍封啟聖王祀 崇聖祠右二位

以上正位明嘉靖九年於

大成殿後立啟聖祠祀叔梁公清雍正元年

詔封孔子先世王爵合祀五代更名為

崇聖祠

東配

先賢孔氏孟皮字伯尼孔子之兄孔忠之父精成豐七年配饗

先賢顏氏名無繇家語作顏繇字季路史記字路繇索隱作由顏子之父唐

開元二十七年從祀元至順三年封杞國公謚文裕妻齊姜氏杞國獻瑞夫人明嘉靖九年配饗

先賢孔氏名鯉字伯魚子思之父宋咸淳三年從祀明嘉靖九年配饗西配

先賢曾氏名點字子皙史記作曾葢字皙按葢古點字曾子之父唐開元二十七年從祀明嘉靖九年配饗

先賢孟孫氏名激字公宜孟子之父元延祐三年封邾國公妻仇氏邾國宣獻夫人明嘉靖九年配饗

東廡從祀先儒

周氏名輔成周子敦頤之父妻鄭氏封仙居縣大君明萬曆二十二年

萬載縣志

卷六之一

學校 學宮

二八

程氏名珦字伯溫二程子顥頤之父封永年伯宋景德三年生元祐五年卒明嘉靖九年

蔡氏名元定字季通西山蔡氏沉之父宋紹興五年生慶元四年卒贈迪功郎謚文節明嘉靖九年

西廡從祀先儒

張氏名迪張子載之父清雍正二年

朱氏名松字喬年號韋齋朱子熹之父宋紹聖四年生紹興十三年卒贈通議大夫元至正二十二年追謚獻靖明嘉靖九年

以上先賢先儒位明嘉靖時稱先賢某氏先儒某氏清朝因之每歲仲春仲秋上丁日致祭

先師主獻官分獻官暨陪祀官均致齋二日豫期祗牲祗割牲皆如儀祭日陳設

光緒三十三年升孔子爲大祀大成殿大成門均覆黃瓦正位木主金地青書籩豆各加二樂舞八佾添用武舞崇聖祠加牛一籩豆各二承祭官出入殿門由右民國三年九月頒祀孔典禮改稱文廟爲孔子廟

大成殿幣一牛一羊一豕一爵三登三鉶二簠二簋二籩八豆八東西四配各幣一羊一豕一爵三登一鉶二簠一簋一籩六豆六東西二序各幣一羊一豕一爵鉶簠簋各一籩豆各四東西兩廡各幣一羊二豕二餘品如式雞初鳴正獻官率僚屬等畢集戟門

萬載縣志

卷六之一

學校 學宮

二九

內通贊執事者各司其事引禮生贊就位引正獻官分獻官陪獻官就位立贊瘞毛血贊啟牲饌通贊迎

神舉迎

神樂奏昭平之章辭曰大哉

孔子先覺先知與天地參萬世之師祥徵麟綬韻答金縵日月旣揭乾坤清夷樂作引禮生贊就位上香位引正獻官升東階入殿左門贊詣

先師香案前贊跪正獻官跪行一叩禮興贊上香正獻官上炷香三上瓣香跪行一叩禮興不贊以次詣

四配位前跪上香儀同贊復位引正獻官退降階復位初迎神時

引禮生分引東西序分獻官升東西階入殿左右門詣
十二哲位前跪上香退降階復位引兩廡分獻官詣

先賢

先儒位前跪上香退復位均如前儀引禮生贊跪叩興正獻官分獻
官暨陪獻官行三跪九叩禮興樂止通贊奠帛爵行初獻禮奏宣
平之章辭曰予懷

明德玉振金聲生民未有展也大成俎豆千古春秋上下清酒既
載其香始升樂作引禮生引正獻官升階贊詣

先帥位前贊跪正獻官跪行一叩禮興司帛跪奉篚正獻官受篚
拱舉奠於案司爵跪奉爵正獻官受爵拱舉奠於塾中跪行一叩

萬載縣志

卷六之一

學校 學宮

三十

禮興引禮生贊就讀祝位引正獻官至殿中拜位立贊跪正獻官分
獻官陪獻官皆跪贊讀祝司祝跪讀祝辭曰維某年月日某官某
致祭於

至聖先師孔子曰惟

先師德隆千聖道冠百王揭日月以常行自生民所未有屬

文教昌明之會正禮節樂和之時辟雍鐘鼓咸恪薦夫馨香泮水
膠庠益致嚴於遠豆茲當春秋仲祇率彝章肅展微忱聿將祀典
以

復聖顏子

宗聖曾子

述聖子思子

亞聖孟子配尚

饗讀畢興正獻官分獻官暨陪獻官均行三叩禮興引禮生引正獻官以次詣

四配位前跪奠帛獻爵儀同退降階復位引禮生分引兩分獻官升東西階入殿左右門詣

十二哲位前跪奠帛獻爵興退降階復位均如儀引兩廡分獻官詣

先賢

先儒位前跪奠帛獻爵復位儀同樂止亞獻奏秩平之章辭曰式

萬載縣志

卷六之一

學校 學宮

三一

禮莫愆升堂再獻響協鼓鏞誠孚鼻獻肅肅融融譽髦斯彥禮陶樂淑相觀而善樂作引禮生引正獻官升階贊詣

先師位前暨

四配位前奠爵於左如初兩序兩廡隨分獻畢均復位樂止終獻奏敍平之章辭曰自古在昔先民有作皮弁祭菜於論思樂惟天
歸民惟

聖時若彝倫攸敍至今木鐸樂作引正獻官升階奠爵於右如亞獻儀兩序兩廡隨分獻畢均復位樂止通贊飲福受胙引禮生贊詣受福胙位引正獻官至殿中拜位奉福胙二人自東案奉福胙至先師位前拱奉退立於正獻官之右接福胙二人自西案退立於

左引禮生贊跪正獻官跪贊飲福酒右一人跪遞福酒正獻官受爵
拱舉以授於左接以興次受胙如飲福之儀贊叩興正獻官三叩
興贊復位引正獻官退降階復位贊叩興正獻官分獻官暨陪獻
官均行三跪九叩禮興通贊徹饌奏懿平之章辭曰
先師有言祭則受福四海翼宮疇敢不肅禮成告徹毋疏毋瀆樂
所自生中原有菽樂作徹畢樂止贊送

神奏德平之章辭曰鳧繹峩峩洙泗洋洋景行行止流澤無疆聿
昭祀事祀事孔明化我蒸民育我膠庠樂作引禮生贊跪叩興正獻
官分獻官暨陪獻官行三跪九叩禮興樂止通贊奉祝帛饌送燎
有司各奉祝帛香饌恭送燎所如儀正獻官避立拜位西旁埃過

萬載縣志

卷六之一

學校 學宮

三二一

復位樂作引禮生引正獻官詣燎所胝燎畢樂止各官皆退同日
祭

崇聖祠各幣一羊一豕一餘品如式東西四筵各幣一羊一豕一
餘如式兩廡各幣一羊一豕一餘如式正獻官分獻官儀節同祝
辭曰維某年月日某官某致祭於

肇聖王 裕聖王 詒聖王 昌聖王 啟聖王 曰維

王奕葉鍾祥光開聖緒盛德之後積久彌昌凡聲教所覃敷率循
源而溯本宜肅明禋之典用申守土之忱茲屆仲春聿修祀事以

先賢顏氏 先賢曾氏 先賢孔氏 先賢孟孫氏 配尚 饗

以上五王四賢原係分行今并為一行從省補立木主及祝版仍應分行寫致敬

謹注 同日祭

名宦祠在戟門左排印省字款緒期長不得已而為之補立木主仍應敬謹分
寫

宋知縣事徐昇 祝勛 王 俱 林景達 冷應徵

明知縣趙中 賈志通 束清 舒仲誠 汪悠人

李燦 邢廷慎 陳瑤 陸璫 徐一唯 畢懋良

倫應祥 姚繼舜 韋明傑

清知縣吳自肅 提學道高璜 巡撫白璜 巡撫張芾

按通志載祀徐昇以下凡三十一人舊志僅錄李徵古林景達

冷應徵束清高璜五人乾隆八年奉文移祀徵古於鄉賢補祀

萬載縣志

卷六之一

學校 學宮

三三

徐昇以下十七人九年增祀白璜同治三年奉文增祀張芾共
二十三人

祝文維某年月日某官某致祭於 名宦之靈曰昔官茲土咸有

樹立燬非倖成功非揜飾孰彰於前孰遠於聞窮碑信史遺跡賸

芬施法死勤著在舊典禮以成之敢用弗腆牽牲載醑進 公之

堂擊鼓迎 神 神其我享尚 饗

同日祭

鄉賢祠在戟門右

唐孝子廖洪 南唐大保青陽公朱齊邱 南唐袁州刺史李

徵古 宋廣州通判蕭杞 元龍泉教諭黃盅 明晉府長

史龍 鐔 明山東布政司叅政龍 儀 明貴州左布政使易
節 明刑科給事中劉 蓋 明刑部左侍郎郭 瑾 明汀州
府知府李 瓊 明彰德府同知龍士通 明大理寺少卿宋良
佐 明雲南按察司副使張 璧 明雲南布政司叅政彭自新
明福建建甯縣知縣宋九儀 明廣東增城縣知縣喻子賢
清吏部右侍郎辛從益 雲南嶧峩縣知縣李榮陞
舊按通志祀廖洪以下凡三十五人舊志僅載宋齊邱龍鐔易節
郭瑾李瓊五人乾隆八年奉文移祀李徵古補祀廖 洪等十一
人咸豐光緒間增祀辛從益共十九人 祝文曰維某年月日某
官某致祭於 鄉賢之靈曰民以俗習 賢因地靈言坊行獲鄉

萬載縣志

卷六之一

學校 學宮

三四

人式經或器淵沈或節稜厲要其歸趣若執左契某水某邱 公
所昔遊文獻可徵賴有前修我享惟時以妥以侑颯然精爽鑒我
籩豆尚 饗 同日祭

忠義孝弟祠在學宮右清雍正元年奉行四年知縣程元度建乾隆壬申重修

唐孝子廖 洪 元孝子郭 擦 明忠臣晉府長史龍 鐔

明孝子郡廩生龍以仁 明忠孝邑廩生張列文 明忠孝邑

庠生張 經 清義門周爰試 清孝子陳盛森

按通志祀廖洪以下五人舊志陳府志俱僅載洪鐔以仁三人嘉

慶十年奉文飭查增四人道光 年增祀陳盛森共八人

祝文曰維某年月日某官某致祭於 忠義孝弟之靈曰惟靈稟

賦貞純躬行篤實忠誠奮發貫金石而不渝義問宣昭表鄉閭而共式祇事懋彝倫之大性摯義蒿克恭念天顯之親情殷棣蓼祠宇維隆歲時式祀用陳尊簋來格几筵尚饗

同日祭

節孝祠

在學宮右

清雍正四年知縣程奉行建乾隆壬申重修

元龍均川妻陳氏張鼎實妻敖氏府志鼎實護甘希魯妻鄧氏明周大甫妻張氏烈女常氏生員鍾伯良妻袁氏知縣張棗繼妻雙氏廩生譚瑩妻涂氏龍應時妻袁氏生員楊嘉賓妻韓氏廩生辛子美妻甘氏周榮五妻汪氏鄧樞妻丁氏生員郭宏敷妻辛氏吳嘉佐妻潘氏生員彭煥妻徐氏李永芳妻彭氏生員彭信古妻葉氏

萬載縣志

卷六之一

學校 學宮

三五

鮑紹文妻周氏龍三榜妻吳氏生員歐陽餘慶妻聞氏生員張文綽妻彭氏龍以會妻蘇氏生員張鉉妻鍾氏袁汝棟妻鮑氏王道成妻柳氏生員辛啟夏妻龍氏生員袁開美妻梁氏舊志誤梁袁氏歐陽體信妻周氏楊嘉賓妻彭氏辛應宸妻宋氏清廩生辛承瑱繼妻張氏

按節烈邀

旌典者例准立主入祠辛張氏以後姓氏具詳列女

祝文曰維某年月日某官某致祭於

節孝之靈曰惟

靈純

心皎潔令德柔嘉矢志完貞全閨中之亮節竭誠致敬彰闈內之芳型茹冰蘖而彌堅清棘自勵奉盤匱而匪懈篤孝傳徽祇循歲祀式薦尊醪尚饗

以上四祠各羊一豕一餘如式

祭器

木祝版二 木俎二十 木豆二百四十六 木饌盒十六
 木燭臺一百八 木高照四十六 木牲盆十八 竹籩二百四
 十六 磁鼎十六 磁彝一 磁香鑪十六 磁登三 磁銅二
 十二 磁簋六十一 磁簋六十一 磁尊八 磁鬯尊八
 磁爵五十四 磁毛血楪十六 毛血銅盆二 銅勺八 錫茅
 沙池二 錫盥盆二 盥盆木架二 帛篚盒十八 供桌六
 綢幕幃八 綢桌幃十入 緞繖一 鐵燔鑪一 鐵燎鑪八
 鐵燎叉四

萬載縣志

卷六之一

學校 學宮

三六

祭品

幣 檀香 降香 兜香 速香 柏香 木油 白蠟 牛
 羊 豕 鹿 兎 鮮魚 藁魚 韭菹 菁菹 芹菹 筍菹
 棗 栗 榛 芡 白黑餅 黍 稷 稻 梁 形鹽
 醬 醋 清油 糝料 蜜麩 茴香 酒 樂器
 鐵鐘一 銅鐘十六 大鼓一 楹鼓一 應鼓二 鼗鼓一
 搏拊一 琴六 瑟二 笙六 龍笛六 鳳簫二 洞簫二
 象簡六 埙二 篪二 祝一 敔一 石磬十六 麾旛二
 羽毛一百四十 籥四十八 篳四十八 干二 戚二 旌節二
 碑文

順治九年 御製卧碑文刊立明倫堂左康熙十一年 御製訓飭士子文頌勸學宮康熙四十三年 欽頒平定朔漠碑雍正七年 欽頒平定青海碑乾隆二十三年 欽頒平定準噶爾碑二十五年 欽頒平定回部碑四十四年 欽頒平定金川碑

原載書籍空存其名刪

夏校殷序周庠學之由來者舊矣宋慶曆四年詔州縣立學弟子無定員元學生額十五至五十皆受餼於學明洪武十五年定縣學生員二十人給廩膳免差役二丁宣德增廣生如正額正統十二年於廩增外選俊秀肄業謂之附學生嘉靖三十七年始考取武生附學

萬載縣志

卷六之一

學校 學額

三七

清順治四年定直隸各省儒學視人文之多寡分大中小學大學生員四十名中小學以十為差府學廩生四十名縣學二十名增廣生如其數府學貢成均者歲一人縣學二歲一人康熙九年更定儒童入學額數府學廿名萬載十二名武童名數同嘉慶九年題准文武共加五名今原額歸土著加額歸客籍同治三年宋仕輝等四房捐餉題准加土籍文武學定額各八名客籍文學定額二名武學定額一名同治四年紳商流寓湖南捐餉題准加土籍文武學定額各二名府學原得八名共為三十六名嗣以某覆試荒繆將府額補入萍鄉者再萬載撥府止得六名於分額無與也武學府額記為九名分額則祇三名於文學適相當也

右自官街起循學管墻脚直上至小塍止計陸拾陸丈伍尺後橫
自學管右邊墻脚起至靜安寺右肩府館官土塍止計濶貳拾捌
丈左直下至洗浴巷止計壹拾貳丈伍尺自洗浴巷起至街計叁
拾壹丈伍尺前橫計壹拾伍丈伍尺舊志又前從常平倉左墻脚除
宋姓出入石路外至江岸經溥泉井右隨古路直上傍王祠墻脚
連筆架山上至迴瀾橋一帶洲岸俱係學管公地煤渣壅積成山
道光六年知縣陳文衡疏河并清理洲地復舊而相度水勢紆道
少西故迴瀾橋移西岸三廂其東岸三廂墊成平壤歸洵局管理
橋係郭孟鏞孫修整

按明天啟戊申邑紳藍王等清復學前岸基上控撫軍勒禁於石

萬載縣志

卷六之一

學校 學基

三八

清康熙中貢生龍文炳等清復左基乾隆初年貢生汪朝祖等清
復 崇聖祠後及右邊直下一帶地基嘉慶中合學清復洲土俱
有案

徐家塘田貳千把計捌拾畝科米拾陸石壹斗柒升零內壹千柒百
餘把民人胥橋助 原係學買膏業讓半價助公後橋子孫并所得半價繳山
田作助產

按舊志作玖拾陸畝柒分零而把數止稱貳千計算不合今從學
田碑册更正

又徐家塘田貳百拾把計捌畝肆分零科米貳石肆升捌合零民人

李耀芳助

東關外田壹百貳拾把計肆畝柒分零科米柒斗捌升零
泉陂院田伍拾把計貳畝科米叁斗壹升柒合零

煙塘田叁百叁拾伍把計拾叁畝捌分零科米壹石伍斗捌升陸
合零 三處俱給社學道光二年知縣衛撥入龍河書院

藍田田肆百把計拾陸畝科米叁石壹斗捌升柒合零

新田田肆百叁拾把計拾柒畝零科米貳石壹斗貳升肆合零

福塘舊志作花橋田肆百柒拾把計拾捌畝零科米叁石貳斗捌升
伍合零

白水田肆千壹百伍拾把計壹百陸拾陸畝科米若干布政司批發
清水塘田柒百把計貳拾捌畝科米伍石肆斗零守巡二道批發

萬載縣志

卷六之一

學校 學產

三九

楓子塘田壹千貳拾伍把計肆拾壹畝

仙居橋田壹千伍百把計肆拾伍畝

思公坪在桃源田壹千把計肆拾畝

宋坑在學山裏田叁百把計拾貳畝零

尖山下田叁百把計拾貳畝零

石塘田叁千把計壹百畝科米拾陸石柒斗知縣畢至未清理

棧下田叁百叁拾把計拾叁畝零科米貳石肆斗零

涂泉田貳百把計捌畝

後塘田肆百把計拾陸畝科米叁石

梅源田叁百把計拾貳畝科米叁石

又宋阮在梅源喻家坊田壹百把計肆畝

楊梅冲田柒百把計貳拾捌畝

雲峯嶺田叁百捌拾把計拾伍畝零

昌陂洲田貳百餘把計捌畝零署縣楊賦粥斷入

干村田捌百陸拾把計叁拾肆畝零道光六年首事鄧錚諭藩置

真君廟田貳拾畝有奇失六區張家塘田肆畝有奇失九都二畝

橫山波江拾把失 以上除失去實有田一萬四千四百五十五

把

徐家塘左右山土四處歲租共錢柒千捌百文 對岸荒塘窩土

一處歲租肆百文 大畚口土一處歲租壹千文

萬載縣志

卷六之一

學校 學產

四十

學前店一所二鋪歲租錢拾壹千貳百文 又店一所二鋪歲租

拾叁千肆百文 又店一所歲租伍千陸百文 又店一所二間

歲租拾肆千文 木橋頭店五間歲地租貳千文 普濟堂右側

大園一所 文昌閣頭門外左側餘土直下叁丈伍尺橫濶隨墻

拾餘丈勒石嵌墻

學田原委紀畧

袁 寬邑廩生

久而必弊者物理之常盈而必虧者消息之道余於學田一事竊
歎古今之不相及也蓋吾邑學田自前明萬曆元年部院徐公棧
慮士力學不給齋粥貢舉莫辦舟車因准郡守程公文著請以匿
報官田分贍各學諸生萬又增買民人胥橋等田因有徐家塘田

玖拾陸畝柴分而邑侯徐公一唯又同時捐置東關外泉陂院煙塘三處田共壹拾陸畝伍分捌釐亦爲諸生膏火賑助科舉之費止登循環以稽出納不欲報上以開紛擾萬曆十八年郡守沈公存仁與邑侯張公履中亦捐置藍田新田花塘三處田共伍拾肆畝貳分壹釐零其資給兩庠亦與程徐諸公無異二十四年邑侯畢公懋良益宏作養增置白水楓子塘仙居橋清水塘思公坪宋阮尖山下七處田共叁百陸拾玖畝貳釐貳毫天啟四年邑侯陳公瑛暨署篆推官孟公養心又續置棧下梅源塗泉後塘四處田共伍拾捌畝貳分貳釐伍毫通計地方拾捌處共伍百玖拾肆畝柒分叁釐柒毫非良牧與賢造士不及此也

萬載縣志

卷六之一

學校 學產

四一

本朝定鼎一切作人雅化鼓舞之法悉循舊規甲寅變亂士子星散田地榛蕪于時學師姚國楨傳愈灝糾集諸生招佃開墾身總其務賍租辦稅仍以其餘粒糶以給貧士猶不失前賢捐助之意曰火弊滋侵蝕殆盡而諸生無與焉康熙六十年庠生龍學宏首倡呈藩呈府藩憲許公飭府訊詳批令仍還士管於是兩庠諸生遂推龍學宏與郭邦藩仔肩其事細查其田爲奸民蠶食隱踞者不可勝數端緒紛如幾莫能理郭生殫心竭力不避勞怨務以洗剔積弊而遡厥相置之初已失去舊額壹百陸拾柒畝壹分肆釐柒毫然於諸生貢舉之費貧士餽粥之資學宮修理之用猶爲優裕多士感龍生首事之績而頌郭生綜理之功雍正四年學訓

張元達貴溪歲貢正齋熊埴靖安拔貢亟爭此田而學宏又以他
事件縣令程元度張學訓逢迎其意因飛語具詳中以危法欲擠
之死幸藩憲王公承烈廉得其情不忍滅歿前賢德意因以實在
學田叁百叁拾畝玖分有零剖作四分內撥張令所置伍拾畝爲
貧士饘粥燈油之需以徐令暨程守等捐置田內撥壹百畝歸學
管業又撥伍拾畝爲社學生徒膏火之資餘田壹百叁拾貳畝玖
分雖歸學總理除完糧外以所餘租穀爲修理學宮之用仍擇學
中殷良董率其事每歲年終造具支銷細數清冊送府查核部院
布公批允雖揆諸捐置初意未盡合而餽羊餘制猶存此學田至
今之大較也余於是有感焉前明程徐張畢諸公或創制或增益

捐俸捐贖後先一轍造士作人之心有加無已國家愛養士類不
啻饑渴凡有司牧之責者宜以聖主之心爲心以循良之法爲法
域樸菁莪之化其庶幾乎今幸龔黃繼起秉鐸得人實心總理其
事除學師百畝之外凡社學貧士修學諸資能不侵漁不扣剋不
浮數冒銷不假題乾沒與二三殷良孜孜總理則今日之損必且
爲後日之益是不惟諸生之幸實前賢捐助之幸也此外尙有真
君廟學田貳拾畝有奇六區張家塘學田肆畝有奇以未經載志
爲惡人佔賣併紀之以示後云試費祭產學宮土籍文武鄉會試
費自乾隆年間始鄉試每名貳百文後漸加增肆百陸百不等會
試其初纔一二人每科拾兩後人數漸多改照鄉試錢數按名十

倍之此皆出自學田客籍所無故不預

思永堂卷費道光戊申職員易錫純捐助共田壹千玖百伍拾伍把額租貳百貳石交賓興堂一區首事帶管每科通計所入分作四股以兩股發文鄉試入闈者一股發文會試一股作交糧備補零用之需有餘歸下屆核算首事糕餅錢歲貳千文此費亦止發土籍所有田把開後

高橋莊田心裏屋背早田伍拾把 灣坵早田伍拾把 灣坵路下早田拾把
劉人門前早田壹百拾把 大牯墩早田壹百拾把 竹山下早田拾伍把 江
背深坑早田叁拾伍把 深坑江墟上早田拾把 學虎坑遲田陸拾把 理學
坡下早遲田壹百貳拾把又零星七坵 馬欄坑遲田肆拾把 暖斗坑遲田陸

萬載縣志

卷六之一

學校 學產

四三

拾把 坪仔窩遲田叁拾把又路下貳坵 冷水坑遲田伍拾把 社灣裏早田
壹百貳拾伍把 大源坑遲田貳百把 共額租壹百捌石莊屋板倉魚塘圍土
藥林俱全 紹江莊門首岳長坵早田陸拾把 崩坡墩下遲田伍把早貳拾
伍把 又墩中早田叁拾把 石下灣狗婆坵早田伍拾伍把 掛山下遲田貳
拾把 狗婆坵遲田叁拾把 竹仔棚遲田叁拾把 西龍庵墩下早田貳拾把
庵下遲田肆拾把 庵下上邊遲田貳拾伍把 石下灣遲田拾把 何家坑
口早田陸拾伍把 確陂邊下截早田叁拾把 牆屋門首下截早田陸拾伍把
鱸下墩水口社前上截遲田叁拾把 莊屋門首坐右早田叁拾把 屋右
蠟樹下早田拾把 門首塘下早田伍把 屋右腦仔上早田貳拾把 楊家
坑口早田拾伍把 監造莊屋魚塘田貳拾把 東岸蟬形下大腦坵早田陸

拾伍把 西岸田背坑口郭人屋側早田捌拾把 崩陂裏早田伍拾把 崩江
坵早田伍把 西岸陂頭早田肆拾把 共額租玖拾肆石其莊屋山場俱與辛
善和兄弟各管一半

聖誕祭產道光甲辰乙巳職員鮑鍾瑞貢生郭如衡職員郭如磐
助共田壹千貳百拾肆把丙午教職宋鳴謙捐錢貳百千有記

計開十八都廖巷等處早遲田肆百捌拾伍把 饒田龍騰陂等處壹百叁拾伍

把 南窰河陂頭早田伍拾把 王家山隴裏叁拾把 播箕嶺一小坵俱鍾瑞

助十六都一黃埔仔上早遲田伍百拾肆把莊屋魚塘藥林花土對面竹山俱
三股之二如衡如磐助

萬載縣志卷六之二

學校

縣中 書院 公私高小

張之鏡在任時設宏文師範館此爲兩籍合學之始既又各立中學民二五年省府令將私立龍河東洲兩中校改爲縣立初級中學東洲爲大橋分校經費分任並由縣庫補助一部二十六年完全歸併二十七年十月空襲遷萬歲橋二十八年遷東洲復遷龍雲或者學宮非初中所宜居天意若在有意無意之間與其經費則就龍河原有資產由縣府經征處征收東洲一部自行管理二十八年縣長姜懷素倡義整理二十九年成立初中學產管理委

萬載縣志

卷六之二

學校 縣中

員會將撥充該校田產以縣中名義過糧立戶由縣府聘請正副主席及委員並將章程轉呈省府備案目前所可記者簡畧而已科舉廢而學堂書院因之以改是隨制作爲轉移者也曩時人材輩出罔不從書院來鹿洞鵝湖名滿天下省城三大書院經訓尤特達須由學政選人萬載之與其選者多不過兩三人龍學政湛霖曾送三人廩生謝啟宗辛師濂新生龍行言或三兩者而不送一人甚矜貴矣龍河未免官樣然歷考前列者並皆佳士東洲年請山長造就亦多龍岡爲三區人文總匯初開館時進士湯肇熙方髫齡其後相繼起者率皆受其培植自改學校亦復有名前縣長張薊甫硬行勒提曆史悠久辦有成效之學款以展拓茫無實

際之保學龍岡首當其衝正誼次之而幸免於難今則駸駸然模
範於遠近因民之利從民之欲賢令尹所貴無擾也保學期教育
之普及徒作紙上之空談其何能及固不若名無虛縣款歸實用
學不必求多徒張一己之門面見好於上官地方卽有陰受其病
者反而求之必有陰受其福者所望於實心爲民之君子矣
書院

龍山書院舊在治後偏左乾隆九年知縣嚴在昌捐廉倡建時里
民聶嘉會助銀捌拾壹兩汪淑躬玖兩買田貳百把十年嚴調任
以贍穀作價并易觀國助銀陸兩令首事買田壹百肆拾把十一
年辛汝岐助貳拾兩郭孟牖祠拾肆兩辛汝勳伍兩并利息買田

萬載縣志

卷六之二

學校 書院

二

壹百伍拾把十二年首事王都建鮑瑄將租息并王嗣立助銀拾
貳兩買田肆拾把十四年奉撥羅教齋田柒百伍拾柒把洲土貳
塊爲俸資膏火二十年齋田改撥普濟堂歲用不敷於社學項下
支給是年知縣朱崧移建書院於龍河濱龍山僅存遺址

附載田產竹渡白塔田貳百把六坵

東關外田壹百肆拾把三坵皆嚴侯

置 葦竹嶺坑裏田壹百伍拾把乾隆十一年置

中煙塘田肆拾把三坵十

二年置以上共五百叁拾把田歸龍河書院契約存縣庫

龍河中學原係書院在城北龍河東岸馬腦山側乾隆二十年知
縣朱督邑紳王朝祖郭治清汪發楫等倡捐改建規制悉仍龍山
舊易名崇文立學約越四年更今名有記是年胥袞助田肆百陸

拾伍把楊維鏞助肆百餘把其明年張光熙助叁百肆拾把楊撰周繼盛各助壹百把辛金紫助壹百叁拾把二十七年知縣張立中請頒鹿洞條規做照行之嘉慶十二年署縣周吉士詳定山長專聘邑先達勒於石十四年署縣周澍捐廉百兩又撥烏石嶺等處官山每年租錢陸千貳百爲膏火資二十五年署縣牛廷炤捐廉百兩備官課獎賞道光二年職員宋壽昌母聞氏因院宇傾頽獨力撤舊重建爲屋五進大觀樓講堂頭二門俱仍前式樓下大廳樓後藏書閣俱夾室堂前長廊中豎四照亭頭門中廳左右夾室東西院會文堂各一書室各十六東司守廳房四西厨房三門外立惜字亭周墻皆發磚石共費銀伍千壹百餘兩又捐膏火田

陸百餘把有記知縣衛鷄鳴增定章程每歲二月開館臘月解館每月三課學約條規仍舊膏火月給監院齋長領之各區擇首事三年輪換歲終延紳士勾稽造冊送縣是年冬將社學田壹千貳百伍拾把撥歸書院四年春辛朝聘妻郭氏助田肆百把五年署縣武穆淳捐銀百兩又撥彭姓錢壹百陸拾千文并撫憲程捐給百兩統交首事買田叁百叁拾伍把旒購送十三經注疏以資講肄有牒六年知縣陳文衡撥王姓錢伍拾千文湊買前莊田二十二年署縣張文誥捐廉百兩交首事高作楫唐淦陳錫麟經理買田叁百零伍把時邑紳士楊羅峯高作楫張昂等廣爲勸輸得錢柒千餘串除議叙火食用費外買田肆千叁百伍拾把助田壹千

貳百餘把歲定山長束修壹百貳拾千文薪水拾陸千文其餘悉
供生童膏火獎賞并開館酒席火夫柴水等用同治九年合邑重
訂章程存案勒石

一山長專延本邑先達原以耳目近則見聞易周二月起館十月
散館除束修外具薪水本應入館主講約束生童嗣後主講之
人務須自二月至十月常川在館散館之時限生童於五日內
盡散然後經理者備轎送山長回歸

一嚴課程原議每月逢入先請縣課次請學師再次山長近來學
師山長之課竟有終年不作者或以無關得失非錄舊卽草率
嗣後照原請課而每月逢三山長另開堂課不必拘定書藝另

萬載縣志

卷六之一

學校 書院

四

給獎賞錢每課五百文由山長限以名數賞給

一整學規設立義塾原爲作養人材每年由縣甄別取人肄業按
月課試近來肄業生童安分讀書者固不少而藉爲栖身之所
以致干預外事不守學規此等陋習亟宜整頓嗣後無論生童
由山長責成學長稽查如有仍前積習初次稟明山長戒飭不
悛立即逐出倘學長徇隱經山長查出一併革逐

一定膏火嘉慶以前膏火微薄逐年可以開館近雖續捐然費用
較前倍多所入不敷是以議作三年之中兩年起館一年空歇
今查志載道光初年衛前憲撥有社學田畝歸入書院現議山
長束修薪水由學宮首士支放儘可照前起館但膏火已加一

倍尙恐有時支絀擬以每月發給膏火獎賞錢叁拾千文每名膏火錢六百文其獎賞則優等生監十名第一名七百文二名六百文三名五百五十文四五百五十文六七名三百文八九十名二百文上卷童生獎以十二名爲限第一名六百文二名五百文三名四百五十文四五百五十文六七十名三百文五八十名二百文八名一百文九十名百五十文十一二名一百文所有餘賸盡歸學長收存爲本年院內厨廳燈油及一切公用一立期限正課生童以三十六名爲限學長則加一倍爲三十七名其膏火每月分作二次無論內課外課俱以每月甄別爲定按名給發其未錄取者雖在院肄業不得給領學長以初次甄

別優等生員爲之如學長每月甄別未取祇照數給亦不加倍倘一月之中祇應一二課者膏火按課扣除所應課卷先呈山長逐一詳核俟繳齊後學長當面封固由山長蓋戳呈解如有抄錄舊文卽將本名扣除本年不准赴課倘當時未及核出揭曉後有雷同勦襲等批亦卽扣除學師山長二課亦然及有山長逢三堂課仍照成規由山長按次給發不開堂課不得冒領至每年起館定以二月初旬如因事羈延亦祇給發一月膏火獎賞不得越外爭競

一限課試大比之年生監於六月卽應赴省仿照各書院章程膏火以是月甄別爲定給至十月止童生不得概領如府院試在

起館以後然不過一月之久無庸藉口考試亦請決科

一杜頂替近來入院肄業生童藉以無冊可查往往將甲換乙頂入肄業嗣後入院生童務須將原卷繳呈山長由山長面驗筆跡如有不符不准入院仍將出頂之名扣除

一謹封閉院中牀櫳枱棹以及用物等項俱各齊備近來學規敗壞逐年置辦其過雖由爨夫防檢不力亦由肄業生童搬運遺失嗣後起館日經理者逐項單開交飭爨夫散館時按單查檢眼同安頓封鎖倘遺失甚多責令爨夫賠補如係生童强行搬回稟明山長按件追回仍予戒飭

附載田產龍山舊業田伍百叁拾把 矮楊樹柴仔冲肆百陸拾伍把胥袞助

萬載縣志

卷六之二

學校

書院

六

棧下肆百餘把楊維鏞助 謙家墩烟塘二處叁百壹拾把又屯田叁拾把張

光熙助 雲峯嶺壹百把楊撰助 新田壹百把周繼盛助 藏溪陂坵遲田

肆拾把白竹窩遲田陸拾把虎形窩遲田叁拾把辛金紫助 烏石嶺等處官

山周署縣撥 歧里官莊五里亭共陸百貳拾伍把宋聞氏助 社學舊管壹

千貳百伍拾把衛侯撥 興江肆百把辛郭氏助 武家坊叁百叁拾伍把莊

翠菜園山場樹木蔭塘俱全武侯置 武家坊貳拾捌把半并泉井陳侯爵

花塘墩壹百貳拾伍把花塘墩後塘墩壹百拾把 武家坊墩店背柒拾把張

署縣捐項置 平山頭陸百伍拾把 棕塘墩伍百玖拾伍把山土壹片 一

都西黃石坑伍百柒拾把 奇圃墩肆百肆拾伍把 黃田虎形坑貳百拾陸

把半并屋宇山場竹木 東岐墩貳百拾把并屋宇山土茶山 何家洲墩下

墩等處貳百拾把 二十都六畝淡裏墩壹百捌拾伍把 南窰墩壹百陸拾伍把
把 謹家墩壹百陸拾把 大平埔壹百肆拾叁把半 鍾家坊柒拾伍把 雲
峯嶺伍拾伍把 興江口店房貳間 明江墩壹百肆拾把 株樹嶺宋家墩
壹百貳拾把 天陂墩猴仔嶺肆拾把 又芋田墩陸拾把并鬼仔洞李家塢
茶雜樹木山場二嶂荒熟花土 林家窩陸拾把 牙宜黃土店壹百捌拾把
并莊屋山土 上菱蕪柒拾把并鄧沙坑山場竹木屋宇以上俱勸輸所置
歧山墩貳百玖拾伍把郭善慶祠助 慈溪墩壹百捌拾把李朝安妻楊氏助
大橋墩壹百肆拾把恒裕店助 黃田虎形坑壹百拾把張旭輝助 西陂墩
壹百零伍把劉復初助 清水塘墩陸拾把周良翰助 湖源墩捌拾把宋瑞
登助 下車坑黃荆塘伍拾把高燕山祠助 滄陂墩柒拾把辛大祠助 嚴

萬載縣志

卷六之二

學校 書院

七

坑墩肆拾伍把張大祠助妹

田北白髮境叁拾把并山土李大成周書成助

煙塘墩叁拾把鍾長發助

花塘墩拾把張再魁助

書院上首花土一片張

佑元助

以上共山壹萬伍百陸拾餘把店二間官山山場花土俱載契約

藍山泉塘冲陸拾把屋山全業宋階明助

舊按社學田壹千貳百伍拾把雖奉衛憲批撥其田仍歸學管同

治九年公議田產不便分割稟請金憲批准每年山長束修薪

水壹百叁拾陸千文概向學宮首事支領常公講堂在縣學門

內康熙二十二年為知縣常維楨建有記後圯乾隆二十二年

辛汝歧郭洽清捐建於學宮右不存

何公講堂在學宮義路右康熙四十三年為知縣何錫命建有去

思碑堂廢

社學一在治東申明亭後 一雙虹橋東明天順七年知縣王銓
建 一治東集賢坊仰山祠側嘉靖間著縣楊伯謙建俱廢
義學康熙十七年知縣常維楨設於關帝廟詳序文今廢

袁州昌黎書院韓文公由潮州刺史移刺袁州雖不數月即去而
德澤在人者至今猶稱道不衰潮州有韓文公廟袁之人效之
建公祠於郡學明倫堂之西嗣後建於宜春臺之右由宋而明
以迄我朝守是邦者或重修或改建或添建屋宇或清理學田
載在府志班班可考雖皆守土之責然實公之過化存神入人
之深及人之速令人景仰於無窮也嵩年幸於古名賢所治之

萬載縣志

卷六之二

學校 書院

八

地上溯遺徽雖化民成俗之力百無一得敢不自竭駑駘以
期則傲於萬一乎故下車伊始即以興文教培人才爲急務
無如書院經費爲數甚微不足爲鼓勵多士之資而仰瞻公
之祠宇復朽壞已久勢將傾圮今欲擴而充之葺而新之需
費甚鉅萬邑謝賜軒觀察萍邑喻小舫比部皆鄉之望也與
之尚皆躡之通力合籌集貲若干爲多士之膏火至修葺祠
宇則有公後裔名寶書者慨念先澤獨肩其事其附宅則柳
紳德輝欣然任之於是木之朽者易壁之壞者圻上費下甃
更撤而新前祀殿旁四齋殿前原道閣殿外講堂悉仍其舊
門廡庖厨宮牆四週塗茨丹雘煥然改觀凡四閱月而告成

而附齋亦相繼葺事鄉人士之力皆公之靈也計韓寶書捐銀四百六十兩柳德輝捐銀貳百兩光緒八年歲次壬午守袁使者丹徒蔡嵩年雲峯甫謹誌

清光緒三十年袁州昌黎中學正監督傅太守鍾麟以中學局於經費每縣學員不過五六七人特進萬載東洲紳董告以定章集金萬兩許學員正副二十人到堂受業東洲紳董遵諭築室籌款開學時四邑堂董召集紳學會商合辦所有東洲新築小瀛洲學舍費銀叁千兩有奇報銷有案公同決議東洲捐助昌黎老底銀壹千兩繳交二名學額成本銀貳千兩小瀛洲學舍歸公此後除已繳二名成本銀不計息外其餘每正額一名與四邑正額學員

同每年每名繳息銀壹百二十兩每年派出董事一人一視同仁永遠無異稟府存案爲據嗣自省立第七中學在袁袁州昌黎中學停辦前存東洲成本每年應付東洲寶興局息銀貳百四十兩現議交縣立中學支用成本銀貳千兩收回亦可

龍岡高小原係書院在邑西址坪上龍家嶺道光七年三區紳士湯薦馨周洽膺龍文陳常等倡建購田畝供束脩膏火并給童試卷資鄉會程儀詳知縣湯記距株潭二里評地勢崇高規模宏敞清季改書院爲學堂開辦最先成效亦著上進加講樓四間空氣光線他處少有右邊再上數十步新建藏書樓左右兩廂後爲回堂樓上寬展富有藏書變亂以還書無一存窗闌鐵

棚均被拆毀門多不存近兩三年始得漸次修復學生課程完備步伐整齊無一起軌之行不良之習咸以爲一縣之冠張縣長屢以嚴檄提欸幾致因此破壞幸而辦理盡善可告無憾於鄉人抑且無愧於當路

龍雲高小原係書院在邑西小江濱孫家腦下道光庚子四區及上五區各紳士陳綿韻陳勳等倡捐合建并置修金膏火田有記

龍橋高小原係書院在邑北萬歲橋道光癸卯五區紳士張若敬高起河錢惟日潘歛修張大椿等勸捐創建屋宇三棟左右書舍三十二并膏火田有記

萬載縣志

卷六之一

學校 書院

十

龍洲高小原係書院在邑東北羅城道光癸卯六區紳士盧昆鑿喻炳彭士模楊羅峯盧及芝盧介等倡勸捐建并束脩膏火田有記前辦高小今停

東洲中學原係書院在邑西牟村河東洲上道光六年紳士勸捐置院三進上文昌宮後藏書所中講堂前廳二門左右書舍各三十六會文堂各二廚房各一堂之東另闢一廳爲山長批閱文藝之所顏曰小蓬萊又東魁星閣逢源池西惜字亭及泉井門子住屋三間購田數百畝店數間知縣陳文衡捐銀壹百兩酌定學約條規每歲二月起館十月解館每月逢三課文逢八課古由監院齋長按給膏火山長由首事延請歲定束修錢壹百

肆拾千文薪水肆拾千文爨夫門子工食柴炭各有常資餘爲童試及鄉會試費新邑進士盧燬衡記道光二十年又捐膏火田壹千餘把同治三年因地勢低陷基地陞高六尺院宇及魁星閣重新改造費銀伍千有奇首事三年舉換歲終勾稽造冊邑舉人廖城連記

高魁高小原係書院邑北高村里上有巨石中開平巖其印紋儼若魁星故名道光三年廩生潘維新監生劉鳳喈等集同志捐建監生藍橋捐銀捌百兩餘捐助有差置講堂學舍購田租伍百伍拾石以資束修膏火費歲經首事延師開館督學李宗昉記知縣衛鶴鳴捐百金以助額其齋曰課心并有記六年知縣

萬載縣志

卷六之二

學校 書院

十一

武穆瀆捐廉壹百兩并購存十三經注疏付以牒

蕃衍堂義學兼義倉邑北南田湖上土稷適中地二都四畝張王

劉三姓合建

樂育義塾潭埠鮑震岡歐陽德安等倡建署膏火田道光二十八年鮑履泰歐陽文蔚等倡九畝出貲拓修有記

郭氏義塾大南門外二百餘步距緣陰遺址數武郭孟牖後裔合建堂宇軒廠延師教族子弟置膏火田有記

南坡義塾城南吼狸墩辛氏族衆買本姓屋宇基土漸次增拓置產兼行義田有記

仰止義塾石板墩三官嶺錦衣坊鮑祠衆建有膏火田羣山交翠

諸水環流踞一邑勝有記

義井書屋康樂坊龍祠右側龍姓眾建

石溪書院郭村鋪邑紳郭世華倡族眾建兼置田產有記

鈴溪精舍鈴田朱友政祠建有膏火田

柏蔭書屋山田大智寺左湖溪李姓眾建族人肄業

馬腦山房大北門外里許舉人張明德等十三人建相與講學其

後輩辛芝廷等復於後圃建堂增設寢室置田爲奉祀東修有

記

尙志書院烏溪門內增生郭洽清偕舉人辛廷芝拔貢巢起崙張

焜圭等十二人建後人撤舊重構爲堂宇二左翼以橫屋置祭

萬載縣志

卷六之一

學校 書院

十二

祀膏火田有記

明德書院城南月臺山下聞際譽偕友袁廷鳳易泰郭鳴臯等四

十五人建

以吾書院建城坊貢生吳道芳楊親志等十人建後人置產供

祀

友仁書院東門外監生劉明鴻舉人辛文彬恩賜副舉楊友橋增

貢劉景崙等十二人建有記並置田畝供祭祀試費

樂類書屋城西錦衣坊進士郭大經偕同年友龍景賢袁廷榮等

十三人建爲講學課文地有記置田產資膏火今廢

啟元書院建安坊龍江門外背城面桐岡帶以雙流風景清曠

先是少宰辛授經江口劉氏塾與同志十人最歛洽約建舍課子孫道光九年少宰歿存者惟明經王介眉張享衢學博高湘文三人乃亟與諸後輩購茲地而經營焉有記後人奉主入祀歲肄業其中有祀田

九老書屋高城貢生周南王交修偕其老友辛玉書郭甸牧等九人建

敬業書院邑西谷源庠生辛超常李期壠楊敷榮等十一人建有

膏火田

崇文書院崇文堰東岸欽賜舉人郭光笏貢生辛炳昭辛學誠辛廷元偕友十六人建有記

萬載縣志

卷六之二

學校 書院

十三

聚賢書院邑西黃村舉人辛係傳偕友龍衢彭國喬等十八人建置有田畝

文聯書院邑北圳上監生曹錫綸庠生喻顯達等十二人建置祀田有記

聯元書院羅城墩烏泥塘副貢盧及暉郡庠胡廷元偕友李雨芳等十五人建置膏火田有記

兩以書院烏溪關外召試生辛莖江浦知縣辛啟泰恩舉郭光笏興國大使郭如泰等十二人建有記

集賢書院錦衣坊職員開際譽袁廷鳳監生劉景陽辛衢等數十家後裔建有店十四間供祀費膏火

興賢書院錦衣坊邑岸喻藩監生劉廷樺等同年七人建置膏火
試費田有記

永常書屋邑北長江上增生窩播笏監生高廷俊等倡建課族子
弟

白竹山房龍河書院右即鎮龍庵遺址生員張承舉張宗哲監生
張作睿等十八人建課族子弟

觀瀾軒邑東北湖溪李姓合族建并祀關帝

城腦山房邑北羅城墩高姓合支建有記

花萼齋邑北三十里橋頭職員胥淮子孫建教本支子弟有膏火
田

萬載縣志

卷六之一

學校 書院

十四

望西山房邑北橋頭虎形山下贈職員胥涸子孫建有田畝爲
本支膏火資

文昌書院五區十八都下確喻廷珪後裔建以課族人

恕訓書院邑西緬村高用中子孫建族人肄業其中

彥威書院書堂道光七年職員張明芳等因習彥威墨池尙存
合族捐金數百購就遺址邀同志助建有記

張巖書院元臨江教授張千崖建詳虞記

綠筠書屋小北關外明辛滔建訓子姪及里中子弟四圍植竹千
竿前鑿池沼宛若圖畫復結庵其中志終隱云有記

柏窗書屋治東建成坊邑紳龍人俊龍士通建以教子弟生徒繞

屋柏數十株鬱茂蒼翠

善垂書屋烏溪門內汪永善建子孫習業其中更置邑北禮源田以獎入學者

秀林書屋邑西深塘義民宋一本建以訓子姪山水環抱松篁深隱道光三年後裔重修

斐齋義塾北門外四里許王蓋子孫建置有田畝做鹿洞條規訓子弟

松軒書屋喬居屋畔張樂子孫眾建

嘯竹齋觀上盧家洲增生盧復陽子孫因祖慎評舊基修建知縣韋明傑題額有記

萬載縣志

卷六之二

學校 書院

十五

浴花軒岐山彭明植子孫眾建置膏火田有記

正誼書屋白良袁則鑑眾建有田產資膏火

南圃義塾筆架山對岸唐開仕眾建

會芳書院二區車上李九六眾建有膏火田

綠柳講堂羅城下墩貢生盧後中監生盧懷珍兄弟合建

育英書院六區麻田李宗漢妻楊氏建教族子弟并膏火田壹千

把道光三十年旂表義婦建坊

多文書院岐源楊族斯文會建置有膏火田千把有奇

上達齋在邑東北羅城墩盧爾洛建

文會義塾在潭埠係柏樹街棚上白水書堂花橋等處九畝捐建

立文昌宮置有田畝爲會課獎賞之賞并給童試卷費鄉會程儀知縣衛鶴鳴記

啟秀書院羅城中洲范元達倡建咸豐九年立成建梅厚堂等撤舊重修擴大規模左偏置蒙泉書室率族中子弟就學焉

時修書院四區箬坪賴用賓夏際虞嚴祥科吳家奎等捐建

正源書院六區黎源花園背陳盛森等倡立道光二十六年稟憲立案

久大書院在二區深塘鍾惟德建以訓族中子弟

時倫家塾小南門外十五里三都一畝田北界連四都二畝監生龍超漢倡舉合族捐建

萬載縣志

卷六之二

學校 書院

十六

集益書院烏溪門外歲貢巢方珊邑廩辛徽監生王碧嵩等十三人結社論文深相欵洽後裔承志建舍肄業其中並奉主入祀置有祀田

登峯書院高映吉建修棟宇宏做名人多出其中

五桂軒六區張家山盧文寶兄弟五房同建

舊按舊志載圖南精舍舉人楊資建泉竹書屋處士歐陽恕舉人信之父建三峯書院教諭龍國臣建官峯書屋照磨宋一和建策篁書屋監生譚嘉猷建雅人之居舉人喻懋敬建綠筠清室處士王永誠建北溟館庠生譚嘉棟建桃林書屋貢生龍瓊建東樵書屋監生彭渾建歐江書屋貢生宋一元建水天別業諸

生楊正時建萬松書屋處士晏朝瑞建先春別業楊正英建步雲書院知州楊嘉和建叢桂書屋庠生胥大順建時移代易遺址莫尋姑存其名於此餘詳古蹟

龍章書院在高城民國改元曾辦高小學校迄有接辦因匪亂後遷移無定

正誼書院三區獲富清光緒間謝大舒曹瑞祥等倡建宣統間楊守浴謝濟沂等改辦正誼高小學校內有懷謝樓爲慶陽太守謝大舒藏書處經史子集具備後人紀念以名其樓曰懷謝葉南英謝旂章均有記

東山書院二區嶺東光緒年間建改辦高小學校

萬載縣志

卷六之二

學校 書院

十七

鵝峯書院在鵝鼻峯前係邑西小浦龍玉臣妻辛氏倡捐氏居常慕邑中義婦如宋海嶠妻聞氏捐修龍河書院麻田李宗漢妻楊氏倡捐育英書院其他龍雲等書院均係婦人倡捐火蓄此志於光緒十二年經姻戚辛際午會同邑紳朱光斗等呈縣立案縣憲劉長景以義請旌當即契買民屋修改堂宇並購置田租以資束脩膏火嗣由族姓續捐籌足學產二十六年成立印冊存院歷經開館造就人材一時稱盛清末改辦高小學校校舍迄今抗建時代公用幸未毀敗

成德高小民二四年停辦以一部租息提充縣立二區中心小學並將私立萬興德昌集光醒羣女校各小學歸併辦理

敬遜家塾三區李家坊湯爲敬爲遜後裔於清同治甲子創建延師開館以課合族子弟一時絃誦稱盛並祀敬遜粟主清季停辦

樂育義塾清末改辦高小民二四年停辦今復

貽哲小學清宣統三年自治會鄉董袁浩李師尹等捐資創辦

全五高小在四區集賢山民二三年紳董邱一雋等創辦

康樂小學原爲縣立模範小學於民二五年改爲縣立第一區中心小學

育英高小民二四年改爲子華小學今爲二區白楊鄉中心小學
龍雲小學改縣立四區中心小學

萬載縣志

卷六之二

學校 高小

十八

縣立三區中心小學縣府屢次強殖辦有成效之龍岡小學及正誼小學提欸合辦爭之既久區自爲政龍岡正誼學欸已歸於獨立地位

五區區立小學改辦縣立五區中心小學各區中心小學經費屢次會議決以田賦附加及賓興欸產與所在地保義教經費撥充

民二五年令辦鄉鎮中心小學縣計五區二十六保聯爲區中心所在不設保聯中小二十五年成立二十校二十六年增辦第一區二保聯中小由各區組織公學欸產保管委員會二十七年保聯辦公處改稱鄉鎮公所隨更名爲鄉鎮中心小學

中山民眾學校民二十二年教廳以收復赤區倡辦特種教育縣境先立五校旋裁為四校分設二區昌集沖三區黃茅四區仙源白良保立小學二百零四校果以實心行之日臻美備前途正未可量也

植基高小龍植基於民國八年秋季獨力創辦校舍在城西龍忠孝祠十二年遷移九仙塘蕭氏宗祠十五年江西教育廳長許壽裳獎整齊嚴肅語十七年廳長陳禮江獎管教有方額弁置有城南芋田早田三百零五把廿四年秋季停辦起訖十六年學生千數百人植基始終任管教之責洵能熱心教育啟牖民衆獨立徽幟名實相符

萬載縣志

卷六之二

學校

高小

十九

實事求是古之教也為為官者言之即亦為為學者言之學堂初起小學畢業猶沿廩增附之名其以書院改學堂者寥寥可數既而提廟產之議起則族學興焉既而提廟產之事成則保學盛焉保學之多無過張縣長薌甫在任時一保一學一學十數人或二三十人或一日而無一人在學或日有數人在學若日有二三十人在學者幾於無處可尋此外尚有區中小保聯中小中山民校其歷年久而有成效或歷年不久而其組織尚完備可得而數焉民二十四年省府厲行教育普及推行保立小學以所在保之整個社會為施範圍全部民衆為施教對象七月縣立保學師資講習會學員百名訓練二週分發各保辦學初提廟產為經費保學

日多經費日絀師資日淺敷衍日盛凡奉令籌集經費者亦復時感困難或以爲保學教師待遇菲薄然亦不免先自菲薄求其實施教育不曠功課者殊不多見每校學童酌中以五十人計常有半數在校者亦不多見農忙時節十日兼旬並無一人在校又當別論矣

蒲溪別墅在石塘才公祠堂左偏沿前明之舊教授龍應期與弟學正應明讀書處曰蒲塘亦曰蒲溪饒林泉之勝市朝改移因與祠堂相距不遠乃自廢而興之舉人龍應飛與子舉人友松進士龍賡言與弟舉人行言均讀書課弟子於其中曾改爲蒲溪小學今併入龍山小學畫出資財以期長久而厚培養

萬載縣志

卷六之二

學校 高小

二十

集義書屋在株潭龍霖公祠堂右偏集義之名及建築均祠裔賡言與經董所規畫旁小園名曰學圃亦賡言命之養晦讀書訓蒙於其中而手植花木前後十數年距市半里不染塵囂因自號曰學圃老人藏書萬卷墨榻千種因亂他徙實無一存今就分畫之資財酌并仁山小學一以補助層遞升學者

仁山小學以石塘仁山公祠堂爲校舍左偏書屋係祠裔讀書之所今并於校地在族衆爲適中因就族人分立之小校合而爲一辦理三年漸臻完善外來之視學亟稱之以爲規模雖不啻龍岡亦難能而可貴也

龍山小學係集賢義井祠裔集資爲之以忠孝祠爲校舍規模宏

做教法整齊因空襲解散亦半由經費不足此外組織族學者辛
正心郭世興卽義塾改養正龍孟齊鮑俊逸王蘭溪在平陽宋朝
宗青陽劉墨莊鄧南陽巢鳳來今之存者世興平陽而已此外約
畧可記者湯竹軒湯慕元啟蒙作新蕃衍商民明體輔材烏化昌
黎康熙承順宏文聚雲鼎新龍灣遠鄉尙有族立私立未能免見
聞弗周之憾矣

萬載縣新定縣立中學校學產保管委員會案

事由：遵照省令重擬縣立初級中學款產保管委員會章程令

仰知照由

萬載縣政府訓令 教字第1006號 民國廿九年十二月九日發

令縣立初級中學款產保管委員會

查本府對於組設縣立初級中學款產保管委員會一節曾

於本年七月十三日擬具章程呈請核示在案茲奉

江西省政府恭教一字第6954號指令節開：

「呈件均悉據請組織縣立初級中學學產管理委員會管理原龍河東洲兩中學款產核與二十五年教字第三九七六號

萬載縣志

卷六之二

學校 附縣中案 一一一

訓令指示化除該縣土客籍界限辦法第四項末段相符應予照准惟應照原辦法改稱爲萬載縣立初級中學款產保管委員會又原擬章程尙多不合之處併應遵照左列指示各點修正再呈察核此外關於前龍河東洲兩校款產詳列名稱租額及確實收數應由該縣長查明列表呈核又該校以後各年度經費收支預算仍應照舊編列縣地方預算收支不敷時即在整個縣教育經費內統籌支配併仰遵照件發還此令」

等因計發還章程二份奉此除遵照令示各點重擬縣立初級中學款產保管委員會章程呈請核示并令飭縣立初級中學知照外合行抄發章程一份令仰知照并將前龍河東洲兩校款產詳

細名稱租額及確實收數查明表報以憑轉呈爲要

此命

計抄發章程一併

縣長姜懷素

萬載縣立初級中學欸產保管委員會章程遵照省令修正

一爲統一及整理萬載縣立初級中學學產永奠該校基礎起見
特由本縣政府組設萬載縣立初級中學欸產保管委員會
〔以下簡稱本會〕

二本會以縣屬前私立龍河中學學產前私立東洲中學學產〔
每年約各收實租谷壹千叁百担〕及縣考棚財產之全部爲

萬載縣志

卷六之二

學校 附縣中學 二二二

基金過糧立戶確定爲萬載縣立初級中學業權

三本會設委員十三人除由縣長爲當然主席委員外其餘由縣長斟酌地方情形聘任之由委員中互推二人爲常務委員駐會處理日常事務經理錢谷出納委員任期三年連聘得連任
四本會受縣政府之監督除將本校學產並契據簿籍等件交常務委員負責管理外並執行左列職務

- (一)保管出納及整理本校全部欸產
- (二)會同校長編製本校預算書並審核其決算
- (三)依自治原則得推選本校校長候委人三人呈請縣政府圈定轉請省政府核委

(四)本校校長如不稱職本會得呈請政府予以處分或撤職另委

(五)管理一切應行管理之事項

五本會常務委員薪俸由本會會議決定之此外非特殊事故經會議決定不得另支其他各費其他委員均為無給職但出席會議時得按照路途遠近各給旅費實報實銷

六本會常務委員如出售當年新谷須會同校長商得委員之同意始得出售無論何時售谷於售出後須即時詳將數量及價格分別報告本會各委員並公告於本校以示公開

七本會會議分常年會議與臨時會議兩種常年會議於每年寒

萬載縣志

卷六之二

學校 附縣中案

二

假(或暑假)中舉行之臨時會議由常務委員或委員二人以上之提議經主席委員召集之

八本會收支實數每年除由常年會議審核外須向萬載縣政府萬載縣財務委員會及地方相當機關分別列表呈報或函告一次常務委員並須將每月收支賬項送本校稽核委員會稽核以示公開而昭信實

九本會辦公費及臨時費由會議決定實銷實支力戒浮濫

十本會對各莊佃戶一律不收租雞除看禾議租在必要時囑其儉備飯食外所有折席並其他陋弊一併革除

十一本會辦事細則另定之

十二本會以本校為會址

十三本章程如有未盡事宜得由本會隨時修正呈報縣政府核

轉省政府備案

十四本章程由縣政府呈報省政府核准施行

萬載縣立中學款產保管委員會出租清冊

計開

一區

田北芋田租三石六斗

湖潭租十三石

后塘租二十八石

鱸坑租六石

烟塘租二十五石

東門外租一十七石

萬載縣志

卷六之二

學校 附縣中案 二五

東岐租二十石

棧下租一十七石

徐家塘租一百石

高車租四十六石

吹藜租三十一石

牛欄佈租四十石

水口裡租六十二石

月光塘租九十石

揭家墩租三十石

大畚口租十二石

五里亭租八石

岐埭租十五石

楓樹下租七十二石

高城租十八石

李家園租二十三石

南窰租六十五石

官庄租一百廿四石

二區

里山租八十七石五斗

谷源租一百零二石

峯頂山租四十八石

恩公坪租八十石

梅源租二十三石

藍田租六十三石

嶺東租八十二桶

潭埠租二百六十八桶

白水租三千二百桶

花橋租九十六石五斗

新田租三十七石五斗

柏樹街租二百零五石

狗腦石租四十三石

栗樹坳租十七石五斗

紹江租八十一石五斗

龍田租八十一石五斗

沙路坑租八十石

深塘租五十四石

三區

萬載縣志

卷六之二

學校

附縣中案

二六

天符廟租一千四百桶

濠田租六十四桶

年坪租一百三十桶

株潭租一百廿四桶

獲富租一百六十八桶

楓梓塘租七百桶

仙居礮租七百廿桶

黃茅租三百七十桶

四區

株木礮租一百三十二石

下仙源租四十四石五斗

清水塘租一百零六石五斗

三早嶺租一十三石

西江租百九十石零五斗

東江租三百十九石五斗

槽頭租四十八石

菱湖租二十一石七斗

官田租一百十七石

大橋租二十一石

小溪坑租一十一石五斗

尚強坑租五十八石

大平街租四石

裡源坑租四十二石

坑口租七十一石五斗

岐裡租六十五石五斗

烟包礮租二十石

福塘租三十六石

滄陂租九石

花塘租十九石七斗

銀田租八石

雲峯嶺租四十二石八斗

萬歲礮租四十四石

武家坊租四十四石

樟樹下租七石

棕塘租五十五石

淡裡租一十七石

三百興租七十九石

明江租一十四石

坪山頭租八十五石

萬載縣志

卷六之二

學校

附縣中案

二七

鳳頸裡租一十四石五斗

五區

岐源租八石

烟竹租四石

高村租五十二石

黎源租一百十三石

井頭租二十六石五斗

水南灣租一十一石

墩下墩租五十石

藍家墩租四石

藏溪租一十四石

牛門裡租三石

蓮花亭租四石

小許租二十六石

劉家墩租九石

岐山租五十三石

九子石、陂角裏租四十六石

芬宜黃土店租九石

共計租額 四千一百九十六石三斗
七千一百六十二桶

萬載縣志

卷六之二

學校

附縣中業

二八